

摘藻堂四庫全書薈要

經部

欽定四庫全書薈要

經部

左傳注疏卷二十四

五

詳校官原任侍講臣王燕緒



欽定四庫全書薈要卷一千一百四十

經部

春秋左傳注疏卷二十四

起宣公十三年盡十八年

晉杜氏注 唐陸德明音義 孔穎達疏

經十有三年春齊師伐莒

夏楚子伐宋

秋螽注無傳為災故書

冬晉殺其大夫先穀注書名以罪討

傳十三年春齊師伐莒莒恃晉而不事齊故也○夏

楚子伐宋以其救蕭也注救蕭在前年君子曰清丘

之盟唯宋可以免焉注宋討陳之貳今宋見伐晉衛

不顧盟以恤宋而經同貶宋大夫傳嫌華椒之罪累

及其國故曰唯宋可以免音義

累劣偽反

疏

正義曰往年清丘之盟宋

卿亦貶傳稱不實其言此年宋被楚伐而晉衛不救即是不實之狀於此發傳言唯宋可以免者意在責諸國耳嫌華椒之罪累及其國恐言宋亦有罪宜其不救但盟之不信唯椒身合貶宋國無罪言唯宋可以免見諸國皆合責也

○秋赤狄伐晉及清先穀召之也注邲

戰不得志故召狄欲為變清一名清原○冬晉人討

邲之敗與清之師歸罪于先穀而殺之盡滅其族君
子曰惡之來也已則取之其先穀之謂乎注盡滅其
族謂誅已甚故曰惡之來也疏正義曰先穀之罪不
合滅族盡滅其族為
誅已甚亦是晉刑太過是為大惡君子既嫌晉刑大
過又尤先穀自招故曰惡之來也已自取之惡之來
也言大惡之事
來先穀之家
○清丘之盟晉以衛之救陳也討焉

注尋清丘之盟以責衛使人弗去曰罪無所歸將加

而師孔達曰苟利社稷請以我說注欲自殺以說晉

音義

使所吏反我說如字又
音悅以說音悅又如字

罪我之由我則為政而

亢大國之討將以誰任注亢禦也謂禦宋討陳也音

義

亢苦浪反
任音壬

我則死之為明年殺孔達傳

經十有四年春衛殺其大夫孔達注書名背盟于大國
罪之

夏五月壬申曹伯壽卒注無傳文十四年盟新城

晉侯伐鄭

秋九月楚子圍宋

葬曹文公注無傳

冬公孫歸父會齊侯于穀

傳十四年春孔達縊而死衛人以說于晉而免注以

殺告故免于伐音義

縊一賜反

遂告于諸侯曰寡君有不

令之臣達搆我敝邑于大國既伏其罪矣敢告注諸

殺大夫亦皆告衛人以為成勞復室其子注以有平

國之功故以女妻之音義

復扶又反妻七計反

疏

正義曰釋詁以平為成則

成亦平也男子謂妻為室故杜以為衛人以其父有
平定國家之勞故以女妻之言衛侯以女妻之也劉
炫以為傳文無衛侯之女為孔達之妻復室其子謂
復以室家還其子謂達既被誅家當沒入官復以孔

達財物家室還其子今知非者案檢傳文上孔達云
苟利社稷請以我說是孔達忠於衛國本實無罪所
以告於諸侯祇欲虛以說晉衛人荷其功力何得沒
其家資男子謂妻為室則室者對夫之言故傳云女
有家男有室今若以孔達之妻而還其子便則以母
還子不得云復室其子又諸國大夫之妻傳皆不載
其氏姓何得獨責孔達之妻須言衛侯之女既言復
室其子明孔達之妻非衛侯之女可知劉以孔達之
妻為衛侯之女於傳無文以規杜過於義非也

使復其位注襲父祿位○夏

晉侯伐鄭為邲故也注晉敗於邲鄭遂屬楚音義

為于

偽告於諸侯蒐焉而還注蒐簡閱車馬音義

蒐所留反閱音

悅中行桓子之謀也曰示之以整使謀而來鄭人懼

使子張代子良于楚注十二年子良質于楚子張穆

公孫音義

行戶郎反質音致

鄭伯如楚謀晉故也鄭以子良

為有禮故召之注有讓國之禮○楚子使申舟聘于

齊曰無假道于宋注申舟無畏亦使公子馮聘于晉

不假道于鄭申舟以孟諸之役惡宋注文十年楚子

田孟諸無畏扶宋公僕音義

馮皮冰反惡鳥路反扶勅乙反

曰鄭昭

宋聾注昭明也聾闇也音義

聾力工反疏

正義曰人之視聽聰明唯在耳

目而已鄭昭言其目明則宋不明也宋聾言其耳闇則鄭不聞也耳目各舉一事而對以相反言宋不解

事必殺我也

晉使不害我則必死王曰殺女我伐之見犀

而行注犀申舟子以子託王示必死音義

使所吏反使者同女

音汝見賢遍反

及宋宋人止之華元曰過我而不假道鄙我

也鄙我亡也注以我比其邊鄙是與亡國同音義

古過

卧反又古禾反

殺其使者必伐我伐我亦亡也亡一也乃殺

之楚子聞之投袂而起注投振也袂袖也音義

袂面世反

袖徐反

屨及于室皇注室皇寢門闕音義

屨九具反室直結反

疏

正義曰下云劔及於寢門之外則屨之所及未至於外故以室皇為寢門之闕謂至門遂及也莊十九年

鬻拳葬於經皇注云經皇家前闕者亦以此而知也
經傳通謂兩觀為闕唯指雉門高大為縣舊章而使
民觀之故雉門之觀特得闕名名為闕者以其在門
兩旁而中央闕然為道雖則小門亦如此耳故杜於
寢門冢門皆以闕言之此作室彼作經字異音同
未知孰是其名為室皇及市名蒲胥其義皆未聞

劍

及于寢門之外車及于蒲胥之市秋九月楚子圍宋

○冬公孫歸父會齊侯于穀見晏桓子與之言魯樂

疏

正義曰樂謂樂居高位也

桓子告高宣子注桓子晏嬰父宣子

高固音義

樂音洛

曰子家其亡乎懷于魯矣注子家歸

父字懷思也懷必貪貪必謀人謀人人亦謀已一國

謀之何以不亡注為十八年歸父奔齊傳疏

正義曰懷思也

謂思高位於魯也既思高位必貪貪必計謀他人既謀去他人他人亦謀去已一國之人謀去之何以不亡
也 ○孟獻子言于公曰臣聞小國之免于大國也

聘而獻物注物玉帛皮幣也疏

正義曰聘禮賓執圭以致命享用束帛加

璧夫人聘用璋享用玄纁束帛加琮其享幣又有皮馬是聘所獻物有玉帛皮幣也

於是有庭

實旅百注主人亦設籩豆百品實於庭以答賓疏

正義

曰聘禮君使卿韋弁服歸饗餼五牢有司入陳鼎豆簋鉶醢醢百蜚米百筥黍稷稻粱皆設於中庭是主人設籩豆百品實於庭以答賓也劉炫謂治國有功土饒云云炫以杜注莊二十二年度實旅百奉之以

王帛諸侯朝王陳費帛之象則朝聘
陳幣亦實百品於庭非獨主人也

朝而獻功注獻

其治國若征伐之功於牧伯於是有容貌采章嘉淑

而有加貨注容貌威儀容顏也采章車服文章也嘉

淑令辭稱讚也加貨命宥幣帛也言往共則來報亦

備疏

正義曰杜謂於是有者皆主人之事故以容貌
有威儀容顏當謂善為威儀容顏以接賓也采

章車服文章謂主人陳設物采文章以接賓周禮車
逆之類也嘉淑皆訓為善容貌文章以外別言善善

故以為令辭稱讚謂接賓之時善言辭善稱讚也加
貨謂好貨加增於常若僖二十九年介葛盧來朝禮

之加燕好成十三年孟獻子為介王重賄之之類故
以加貨為命宥幣帛也劉炫云案此勸君行聘唯當

論聘之義深不宜言主之禮備宣慮楚不禮而言此也君之威儀無時可舍豈待朝聘賓至乃始審威儀正顏色無賓客則驕容儀容儀非報賓之物何言報禮備又獻其治國劉炫云傳稱朝以正班爵之儀率長幼之序則不名獻功成二年王禮鞏伯如侯伯克敵使大夫告慶之禮則侯伯克敵祇合使大夫告王征伐之功何故覲朝獻牧伯禮小朝大小國不合專征復有何功可獻炫謂采章加貨則聘享獻國所有玄纁璣組羽毛齒革皆充衣服旌旗之飾可以為容貌物采文章嘉淑謂美善之物加貨言賄賂之多皆實所獻亦庭實也於聘總言庭實於朝指其所有詳於君畧於臣也案莊二十二年傳庭實旅百則朝有庭實又成二年傳云侯伯克敵使大夫告慶之禮據此文則聘賓有庭實又庭實旅百與容貌采章相對杜何知庭實容貌之等非是賓之所有必為主人之物又君無獻征伐之功何以知獻功於牧伯今知劉

說非者傳二十二年楚子入享于鄭庭實旅百加籩豆六品又昭五年燕有好貨殽有陪鼎僖二十九年葛盧來朝禮之加燕好此傳云嘉淑而有加貨故知加貨庭實之等皆是主人待賓之物禮傳賓之於主無加貨之文故杜為此解襄八年鄭伯親獻蔡捷于邢丘是獻征伐之功於牧伯也劉苟違杜義以為庭實旅百及容貌采章嘉淑加貨之等竝為賓物又以諸侯親朝無獻征伐之功以規杜氏違經背傳於義也非

謀其不免也誅而薦賄則無及也注薦進也見責

而往則不足解罪音義

賄呼罪反

今楚在宋君其圖之公

說注為明年歸父會楚子傳音義

說音悅

疏

正義曰臣聞小國之

免罪於大國也使卿往聘大國而獻其玉帛皮幣之物於是主人亦禮待之庭前所實籩豆醢醢有百品

也君自親朝於牧伯之國而獻其治國之功若征伐之功於是主人敬以待之主人之身有威儀容貌車服之飾有物采文章嘉淑皆善也有善言辭善稱讚燕而送賓有加增賄貨言賓往既共則主報亦厚禮使小國如此朝聘大國者謀其不免於罪也若不往朝聘待其被誅責而始薦賄貨則無及於好事矣今楚子在宋君其國之勸君使往聘也劉炫以為皆是賓事聘而獻物謂獻其國內之物於是所獻之物庭中實之有百品謂聘享之禮龜金竹箭之屬有百品也朝而獻功言治國有功故土饒物產於是玄纁璣組羽毛齒革乃得為容貌之物采文章嘉淑謂美善之物加貨謂賄賂之多多獻賄賂以謀其不免於罪也

經十有五年春公孫歸父會楚子于宋

夏五月宋人及楚人平注平者總言二國和故不書其

人疏

正義曰平者和也言其先不平而今始平小服大弱下彊之意昭七年豎齊平燕與齊平也定十年

及齊平十一年及鄭平魯與平也諸言平者皆舉國言平總言二國和平之意故不書其人謂不書公卿也燕暨齊平不言人此言宋人楚人史異辭耳穀梁傳曰人者衆辭也平稱衆上下欲之也賈逵云稱人衆辭善其與衆同欲然則彼不稱人者豈唯國君欲平而在下者不欲乎乎傳載盟辭則此平有盟不書盟者釋例曰宋人及楚人平實盟書平從赴辭也

六月癸卯晉師滅赤狄潞氏以潞子嬰兒歸注潞赤狄

之別種潞氏國故稱氏子爵也林父稱師從告音義

潞音

路種章

疏

正義曰狄有赤狄白狄就其赤白之間各自

勇反

別有種類此路是國名赤狄之內別種一國

夷狄祖其雄豪者子孫則稱豪名為種若中國之始封君也謂之赤白其義未聞蓋其俗尚赤衣白衣也傳稱

天子建德因生以賜姓胙之土而命之氏者即以國名為氏但華夏不須言夏國名不以氏配赤狄既須言狄單國不復成文故以氏配之潞氏甲氏皐落氏皆是也杜言氏國故稱氏雖指解此狄而中國亦然劉炫云狄稱種者周禮內宰上春生種稷之種賤之同之草木故稱種林父尊卿當稱帥師今從將平師衆之例直稱師者從告也

秦人伐晉注無傳

王札子殺召伯毛伯注稱殺者名兩下相殺之辭兩下

相殺則殺者有罪王札子王子札也蓋經文倒札字音

義

札側八反徐又側乙反
名上照反倒丁老反

疏

正義曰穀梁傳曰不言其
兩下相殺也言兩臣下自

相殺非君殺臣不得言其大夫也釋例曰大臣相殺死
者無罪則兩稱名氏以示殺者之罪王札子殺召伯毛
伯是也若死者有罪不稱殺者名氏晉殺其大夫陽處
父是也傳稱此人為王子捷捷札一人而札在子上故
疑經文倒札字也公羊傳曰王札子者何長庶之號也
何休云天子之庶兄也左傳言札為王孫蘇所使非是
尊貴不得為王之庶兄故譜
以為雜人不知何王之子

秋螽注無傳音義

螽音終

仲孫蔑會齊高固于無婁注無傳無婁杞邑

初稅畝注公田之法十取其一今又履其餘畝復十收

其一故哀公曰二吾猶不足遂以為常故曰初音義稅始

銳反復疏正義曰公羊傳曰古者什一而藉古者曷為

扶又反疏什一而藉什一者天下之中正也多乎什一

大桀小桀寡乎什一大貉小貉什一者天下之中正也

什一行而頌聲作矣何休云多取於民比於桀蠻貉無

百官制度之費稅薄穀梁傳亦云古什一而藉孟子云

夏后氏五十而貢殷人七十而助周人百畝而徹其實

皆什一也趙岐注云民耕五十畝者貢上五畝耕七十

畝者以七畝助公家耕百畝者徹取十畝以為賦雖異

名而多少同故云皆什一也書傳言十一者多矣故杜

言古者公田之法十取其一謂十畝內取一舊法既已

十畝取一矣今又履其餘畝更復十取其一乃是十取

其二故論語云哀公曰二吾猶不足謂十內稅二猶尚

不足則從此之後遂以十二為常故曰初言初稅十二自此始也諸書皆言十一而周禮載師云凡任地近郊十一遠郊二十而三甸稍縣都皆無過十二漆林之征二十而五者彼謂王畿之內所共多故賦稅重諸書所言十一皆謂畿外之國故鄭玄云十一而稅謂之徹徹通也為天下之通法言天下皆十一耳不言畿內亦十一也孟子又曰方里為井井九百畝其中為公田八家皆私百畝同養公田公事畢然後敢治私事漢書食貨志取彼意而為之文云井田方一里是為九夫八家共之各受私田百畝公田十畝是為八百八十畝餘二十畝為廬舍諸儒多用彼為義如彼所言則家別一百一十畝是為十外稅一也鄭玄詩箋云井稅一夫其田百畝則九而稅一其意異於漢書不以志為說也又孟子對滕文公云請野九一而助國中什一使自賦鄭玄周禮匠人注引孟子此言乃云是邦國亦異外內之法則鄭玄以為諸侯郊外郊內其法不同郊內十一使自賦

其一郊外九而助一是為二十而稅二故鄭玄又云諸侯謂之徹者通其率以十一為正言郊內郊外相通其率為十稅一也杜今直云十取其一則又異於鄭唯謂一夫百畝以十畝歸公今又履其餘畝稅之更十取一耳履畝穀梁傳文也趙岐不解夏五十殷七十之意蓋古者人多田少一夫唯得五十七十畝且五十而貢貢五畝七十而助助七畝好異如此鄭注考工記云周人畿內用夏之貢法邦國用殷之助法

冬蛭生注螽子以冬生遇寒而死故不成螽音義

全 蟾
反 悅

字林尹綰反劉歆云蚍蜉子也董仲舒云蝗子

疏

正義曰釋虫云草蟲負螫蜚螭螭李巡云皆分別蝗子

異方之語也釋虫又云螻蝻蚰李廵云蝻蚰一名螻螻子也郭璞云蝗子未有翅者劉歆以為蚍蜉有翅者非也如李郭之說是螻為螽子也上云秋螽秋而生子於地至冬其子復生遇寒而死故不成災傳稱凡物不

為災不書此不為災而書之者傳云幸之也此年既饑若使蠧早生更為民害則其困甚矣喜其冬生以為國家之幸故喜而書之公羊傳亦云蠧生不書此何以書幸之也

饑注風雨不和五稼不豐疏

正義曰此年秋蠶知不為蠶而饑者春秋書蠶多矣

有蠶之年皆不書饑而此獨書饑知年飢不專為蠶故云風雨不和五稼不豐也

傳十五年春公孫歸父會楚子于宋注終前年傳○

宋人使樂嬰齊告急于晉晉侯欲救之伯宗曰不可注伯宗晉大夫古人有言曰雖鞭之長不及馬腹注言非所擊天方授楚未可與爭雖晉之彊能違天乎

諺曰高下在心注度時制宜音義

度待洛反

川澤納汙注

受汙濁山藪藏疾注山之有林藪毒害者居之音義

藪素

疏

正義曰周禮虞之官有大澤大藪小澤小藪爾雅十藪皆是大澤則藪是澤類鄭玄周禮

口反

注云澤水所鍾也水希曰藪是藪者澤之小水之名也川澤山藪相配為文者川是流水澤是委水俱是水故總云納汙言其納汙濁也山有木藪有草毒螫之虫在草在木故俱云藏疾言其藏毒害也藪是澤類而杜云山之有林藪者藪雖澤類傳文與山相連藪是草木積聚之處近山近澤皆得稱藪上既有川澤之文下別云山藪之事此藪近山故杜云山之有林藪也劉炫以為澤旁之藪以規杜氏非也

瑾

瑜匿瑕注匿亦藏也雖美玉之質亦或居藏瑕穢音

義

瑾其靳反瑜羊朱反匿女力反

疏

正義曰瑾瑜王之美名聘義曰瑕不揜瑜瑜不揜瑕鄭玄云瑕

玉之病也瑜其中間美者王之性善惡不相揜此云匿瑕似以美匿惡故云匿亦藏也言玉質雖美亦瑕

藏其中不言瑜能揜蓋瑕也

國君舍垢注忍垢耻音義

垢古口反本或作詬

音同天之道也注晉侯耻不救宋故伯宗為說小惡不

損大德之喻音義

為于偽反

君其待之注待楚衰乃止使

解揚如宋使無降楚曰晉師悉起將至矣鄭人囚而

獻諸楚楚子厚賂之使反其言注反言晉不救音義

解音蟹降戶江反

不許三而許之登諸樓車使呼宋人而告

之注樓車車上望槽音義

魯槽音

遂致其君命楚子將

殺之使與之言曰爾既許不穀而反之何故非我無

信安則棄之速即爾刑對曰臣聞之君能制命為義

臣能承命為信信載義而行之為利謀不失利以衛

社稷民之主也義無二信注欲為義者不行兩信音

義

女音汝下註而女也同

信無二命注欲行信者不受二命君

之賂臣不知命也受命以出有死無實注實廢隊也

音義

實于敏反隊直類反

又可賂乎臣之許君以成命也注成

其君命死而成命臣之祿也寡君有信臣注已不廢

命下臣獲考注考成也死又何求楚子舍之以歸○

夏五月楚師將去宋注在宋積九月不能服宋故申

犀稽首于王之馬前曰無畏知死而不敢廢王命王

棄言焉王不能答注未服宋而去故曰棄言申叔時

僕注僕御也曰築室反耕者宋必聽命從之注築室

於宋分兵歸田示無去志王從其言宋人懼使華元

夜入楚師登子反之牀起之曰寡君使元以病告注

兵法因其鄉人而用之必先知其守將左右謁者門者舍人之姓名因而利道之華元蓋用此術得以自

通音義

守手又反將子匠反道音導

曰敝邑易子而食析骸以爨

注爨炊也音義

析思歷反骸戶皆反本又作骨公羊傳作骸何休註云骸骨也爨七亂反

雖然城下之盟有以國斃不能從也注寧以國斃不

從城下盟音義

斃婢世反

去我三十里唯命是聽子反懼

與之盟而告王退三十里宋及楚平華元為質盟曰

我無爾詐爾無我虞注楚不詐宋宋不備楚盟不書

不告音義

質音致

疏

正義曰服虔云與華元私盟許為退師若孟任割臂與魯莊公盟下

云盟曰是兩國平後共盟而楚人為此辭耳非此華元子反私盟之辭也

○潞子嬰兒之

夫人晉景公之姊也酆舒為政而殺之又傷潞子之

目注酆舒潞相音義

酆芳忠反相息亮反

晉侯將伐之諸大夫

皆曰不可酆舒有三雋才注雋絕異也言有才藝勝

人者三音義

雋音俊

疏

正義曰辨名記云倍人曰茂十人曰選倍選曰雋千人曰英倍

英曰賢萬人曰桀倍桀曰聖是雋為絕異之稱也有三雋才知其有才藝勝人者三事耳不知三者何事

也 不如待後之人伯宗曰必伐之狄有五罪雋才雖

多何補焉不祀一也耆酒二也棄仲章而奪黎氏地

三也注仲章潞賢人也黎氏黎侯國上黨壺關縣有

黎亭音義

耆市志反黎禮兮度國名

虐我伯姬四也傷其君目五

也疏

正義曰此五者從輕至重祀雖為大罪廢祀未是害物故先言之耆酒則廢亂政事有害於民

故次之棄賢人而侵鄰國其害已大又次之殺夫人傷君目罪之大者故後言之棄仲章而奪黎氏地是為二事而并數為一者俱是為政之惡故并數之奪黎氏地已盡奪之使黎侯失位故下云立黎侯而還更復其國也怙其雋才而不以茂德茲益罪也後之人或

者將敬奉德義以事神人而申固其命注審其政令

若之何待之不討有罪曰將待後後有辭而討焉毋

乃不可乎夫恃才與衆亡之道也商紂由之故滅注

由用也疏

正義曰史記殷本紀云紂賢辯捷疾聞見甚敏材力過人手格猛獸知足以拒諫飾

是非之端矜人臣以能高天下以聲以為皆出已之下武王伐滅之是由恃才雋故滅也天反時

為災注寒暑易節地反物為妖注羣物失性民反德

為亂亂則妖災生疏

正義曰據其害物謂之災言其怪異謂之妖時由天物在地故

屬災於天屬妖於地其實民有亂德感動天地天地為之見變妖災因民而生天地共為之耳非獨天為災而地為妖民謂人也感動天地皆是人君感之非庶民也昭七年傳曰國無政不用善則自取譴於日

月之災言以政取譎是其由君不由民以民表人故釋例引此即改民為人是其民謂人也傳言天災地妖民亂歷序以尊卑為次更言亂則妖災生明妖災由民起妖災亦通言耳天雖四時氣唯寒暑故杜以反時為寒暑易節物則其數無窮故總云羣物失性反其常性即是妖也釋例曰物者雜而言之則昆蟲草木之類也大而言之則歲時日月星辰之謂也歲者水旱饑饉也時者寒暑風雨雷電雪霜也日月者薄食夜明也星辰者彗孛實錯失其次也山崩地震者陽伏而不能出陰迫而不能升也凡天反其時地反其物以害其物性皆為妖災是言妖災皆通天地共為之也此傳地反物者唯言妖耳洪範五行傳則有妖孽禍疢青祥六者之名以積漸為義漢書五行志說此六名云凡草木之類謂之妖妖猶天胎言尚微也蟲豸之類謂之孽孽則牙孽矣及六畜謂之禍言其著也及人謂之疢疢病類言浸深也甚則異物

生謂之青自外來謂之祥是六名以漸為稱唯青祥有外內之異耳大旨皆是妖也故文反正

為乏注文字疏

正義曰許慎說文序云蒼頡之初作書蓋依類象形謂文其後形聲相益

謂之字文者物象之本字者孳乳而生是文謂之字也制字之體文反正為乏服虔云言人反正者皆乏

絕之道也人反德則妖災生妖災生則國亡滅是乏絕之道也

盡在狄矣疏

正義曰言盡在

狄矣則狄皆有之其反德為亂則五罪是也天地災妖傳不指斥不知於時潞國有何災何妖也

晉

侯從之六月癸卯晉荀林父敗赤狄于曲梁辛亥滅

潞注曲梁今廣平曲梁縣也書癸卯從赴酆舒奔衛

衛人歸諸晉晉人殺之○王孫蘇與召氏毛氏爭政

注三人皆王卿士使王子捷殺召戴公及毛伯衛注

王子捷即王札子卒立召襄注襄召戴公之子疏正義

曰卒終也謂後終立之非此時即立毛氏後亦不滅但傳不言之耳○秋七月秦桓公

伐晉次于輔氏注晉地壬午晉侯治兵于稷以畧狄

土注畧取也稷晉地河東聞喜縣西有稷山壬午七

月二十九日晉時新破狄土地未安權秦師之弱故

別遣魏顆距秦而東行定狄也音義顆苦反立黎侯而

還注狄奪其地故晉復立之音義復扶反及雒魏顆敗

秦師于輔氏注晉侯還及雒也雒晉地音義

雒音洛

獲

杜回秦之力人也初魏武子有嬖妾無子武子疾命

顓曰必嫁是注武子魏犇顓之父音義

嬖必計反

疾病則

曰必以為殉及卒顓嫁之曰疾病則亂吾從其治也

及輔氏之役顓見老人結草以亢杜回注亢禦也音

義

殉似俊反本或作必以殉治直吏反下治命同亢苦浪反

杜回躓而顓故獲之

夜夢之曰余而所嫁婦人之父也注而汝也音義

躓陟

吏反徐又丁四反

爾用先人之治命余是以報注傳舉此以

示教○晉侯賞桓子狄臣千室注千家亦賞士伯以

瓜衍之縣注士伯士貞子音義

瓜古華反衍以善反

曰吾獲狄

土子之功也微子吾喪伯氏矣注伯桓子字邲之敗

晉侯將殺林父士伯諫而止音義

喪息浪反

羊舌職說是

賞也注職叔向父音義

說音悅向香文反

曰周書所謂庸庸

祗祗者謂此物也夫注周書康誥庸用也祗敬也物

事也言文王能用可用敬可敬音義

扶夫音

士伯庸中

行伯注言中行伯可用君信之亦庸士伯此之謂明

德矣文王所以造周不是過也故詩曰陳錫載周能

施也注錫賜也詩大雅言文王布陳大利以賜天下

故能載行周道福流子孫音義施式政反率是道也其何

不濟○晉侯使趙同獻狄俘于周不敬劉康公曰不

及十年原叔必有大咎注劉康公王季子也原叔趙

同也音義俘考夫反不敬一本作而傲天奪之魄矣注心之精爽

是謂魂魄為成八年晉殺趙同傳音義魄普白反疏正義曰心

之精爽是謂魂魄魄去之何以能久昭二十五年傳文○初稅畝非禮也穀出

不過藉注周法民耕百畝公田十畝借民力而治之

稅不過此以豐財也疏

正義曰藉者借也民之田穀出共公者不過取所借之田

欲以豐民之財故不多稅也既譏其稅畝言非禮乃舉正禮言穀出不過藉則知所稅畝者是藉外更稅故杜氏為十一外更十取一且以哀公之言驗之知十二而稅自此始也 ○冬螽生饑幸

之也注螽未為災而書之者幸其冬生不為物害時

歲雖饑猶喜而書之疏

正義曰幸之者為幸螽冬生不幸饑也而傳以饑連螽生

乃云幸之者以歲饑而復有災則民彌益其困由饑之故乃以為幸故傳連饑釋之

經十有六年春王正月晉人滅赤狄甲氏及留吁注甲

氏留吁赤狄別種晉既滅潞氏今又并盡其餘黨士會

稱人從告音義

吁況于反種章勇反并必政反一音如字

夏成周宣榭火注傳例曰人火之也成周洛陽宣榭講

武屋別在洛陽者爾雅曰無室曰榭謂屋歇前音義

榭本

又作謝音同

疏

正義曰楚語云先王之為臺榭也榭不過講軍實臺不過望氣祥知榭是講武屋也名之

曰宣則其義未聞服虔云宣揚威武之處義或當然也成周周之下都此榭別在洛陽講習武事則往就之爾雅釋宮云無室曰榭又云閭謂之臺有木者謂之榭李巡曰臺積土為之所以觀望臺上有屋謂之榭則榭是臺上之屋居臺而臨觀講武故無室而歇前歇前者無壁也如今廳是也公羊以為宣宮之榭謂宣王之廟也

以其中興其廟不
毀與左氏異也

秋鄭伯姬來歸音義

鄭音談

冬大有年注無傳

傳十六年春晉士會帥師滅赤狄甲氏及留吁鐸辰

注鐸辰不書留吁之屬音義

鐸待洛反

三月獻狄俘注獻

于王也晉侯請于王戊申以黻冕命士會將中軍且

爲大傅注代林父將中軍且加以大傅之官黻冕命

卿之服大傅孤卿音義

黻音弗將子匠反大音泰注同

疏

正義曰晉之中軍之

將執政之上卿也大傅又尊於上卿且加大傅以褒顯之禮命臣者皆賜之以服使服而受命傳言以黻冕者黻冕是命孤卿之服故以之命士會也論語稱禹惡衣服而致美乎黻冕鄭玄云黻祭服之衣冕其冠也此云黻冕亦當然也黻蔽膝也祭服謂之黻其他服謂之韠俱以韋為之制同而色異韠各從裳色黻則其色皆赤尊卑以深淺為異天子純朱諸侯黃朱大夫赤而已大夫以上冕服悉皆有黻故禹言黻冕此亦云黻冕但冕服自有尊卑耳周禮司服孤之服自希冕而下此士會黻冕當是希冕也天子大傅三公之官也諸侯大傅孤卿之官也周禮典命云公之孤四命鄭衆云九命上公得置孤卿一人春秋時晉為霸主侯亦置孤卿文六年有大於是晉國之盜傅陽子大師賈佗則晉嘗置二孤

逃奔于秦羊舌職曰吾聞之禹稱善人注稱舉也不

善人遠此之謂也夫詩曰戰戰兢兢如臨深淵如履

薄冰善人在上也注言善人居位則無不戒懼音義

遠于萬反夫音扶兢
居陵反本亦作矜

善人在上則國無幸民諺曰民

之多幸國之不幸也是無善人之謂也音義

諺音彦

○

夏成周宣榭火人火之也凡火人火曰火天火曰災

疏

正義曰人火從人而起人失火而為害本其火之
所來故指火體而謂之為火天火則自然而起不

能本其火體故以其所害言之謂之為災聖人
重天變故異其名春秋天變多矣唯此言火耳

○秋

郊伯姬來歸出也○為毛召之難故王室復亂注毛

召難在前年音義

為于偽反難乃且反注同復扶又反

王孫蘇奔晉晉

人復之注毛召之黨欲討蘇氏故出奔○冬晉侯使

士會平王室定王享之原襄公相禮注原襄公周大

夫相佐也音義

相息亮反注同

穀烝注烝升也升穀於俎音

義

穀戶交反烝之承反

疏

正義曰禮升穀於俎皆謂之烝故烝為升也鄭玄詩箋云凡非穀而食之

曰穀則穀是可食之名切肉為穀乃升於俎故謂之穀烝

武子私問其故注享當

體薦而穀烝故怪問之武士會諡季其字疏

正義曰若公侯

來朝王為設享則當有體薦薦其半體亦謂之房烝武子謂已被王享亦當房烝今乃穀烝故怪而問之

王聞之召武子曰季氏而弗聞乎王享有體薦注享

則半解其體而薦之所以示共儉疏

正義曰王為公侯設享則半解

其體而薦之為不食故不解折所以示共儉也示共儉與下示慈惠成十二年傳文

宴有折俎

注體解節折升之於俎物皆可食所以示慈惠也音

義

折之設反注同疏

正義曰王為公侯設宴禮體解節折升之於俎即殷烝是也其物解折使皆可

食共食獸之所以示慈惠也其宴飲殺烝其數無文若祭祀體解案特牲饋食禮有九體則肩一臂二肱三肫四胙五正脊六橫脊七長脇八短脇九此謂士禮也若大夫禮則十一體加脰脊代胾其諸侯天子

無文或同十一

公當享卿當宴王室之禮也注公謂諸侯疏

五等諸侯總名為公故云公謂諸侯言諸侯親來則為之設享又設燕也享用體薦燕用折俎若使卿來雖為設享仍用公之燕法亦用折俎是王室待賓之禮也周語說此甚詳王召士季曰子弗聞乎禘郊之事則有全烝王公立飫則有房烝親戚宴享則有殽烝今叔父使士季實來唯是先王之宴禮欲以貽爾體解節折而共飲食之於是乎有折俎以示容合好將安用全烝注國語者皆云禘祭宗廟郊祭天地則有全其牲體而升於俎謂之全烝王公立飫即享禮也禮之立成者名為飫半解其體而升於俎謂之房烝傳言體薦即房烝也親戚宴享則宴享禮同皆體解節折乃升於俎謂之殽烝此傳畧而為文猶是彼意故注皆武子歸而講求典禮以脩晉國之法注傳取彼解之

言典禮之廢久

經十有七年春王正月庚子許男錫我卒注無傳再與

文同盟疏

正義曰錫我以文六年即位七年盟于扈十四年于新城魯許俱在是再同盟也

丁未蔡侯申卒注無傳未同盟而赴以名丁未二月四

日

夏葬許昭公注無傳

葬蔡文公注無傳

六月癸卯日有食之注無傳不書朔官失之

己未公會晉侯衛侯曹伯邾子同盟于斷道注斷道晉

地音義

斷直管反
一音短

秋公至自會注無傳

冬十有一月壬午公弟叔肸卒注傳例曰同母弟音義

肸許
乙反

傳十七年春晉侯使郤克徵會于齊注徵召也欲為

斷道會齊頃公帷婦人使觀之郤子登婦人笑于房

注跛而登階故笑之音義

頃音傾跛波可反

疏

正義曰沈氏引穀梁傳云

魯行父禿晉郤克跛衛孫良夫眇曹公子首偃故婦人笑之是以知郤克跛也穀梁傳定本作郤克眇衛

孫良夫跛

獻子怒出而誓曰所不此報無能涉河注不復

渡河而東音義

復扶又反

獻子先歸使欒京廬待命于齊

曰不得齊事無復命矣注欒京廬郤克之介使得齊

之罪乃復命音義

廬音廬又力於反

郤子至請伐齊晉侯弗

許請以其私屬又弗許注私屬家衆也為成二年戰

于鞏傳音義

鞏音安

齊侯使高固晏弱蔡朝南郭偃會

注晏弱桓子音義

朝如字

及斂孟高固逃歸注聞郤克

怒故音義

斂徐音廉一音力漸反孟音于

夏會于斷道討貳也盟于

卷楚注卷楚即斷道音義

卷音權一音居免反

辭齊人晉人執

晏弱于野王執蔡朝于原執南郭偃于溫注執三子

不書非卿野王縣今屬河內苗賁皇使見晏桓子注

賁皇楚鬬椒之子楚滅鬬氏而奔晉食邑于苗地晏

弱時在野王故因使而見之音義

賁扶云反使所吏反注及下同歸

言於晉侯曰夫晏子何罪昔者諸侯事吾先君皆如

不逮注言汲汲也音義

逮音代或大計反汲音急

舉言羣臣不信

諸侯皆有貳志注舉亦皆也齊君恐不得禮注不見

禮待故不出而使四子來左右或沮之注沮止也音

義

沮在呂反

曰君不出必執吾使故高子及斂孟而逃夫

三子者曰若絕君好寧歸死焉為是犯難而來吾若

善逆彼注彼齊三人音義

好呼報反為于偽反難乃但反

以懷來者

吾又執之以信齊沮吾不既過矣乎過而不改而又
久之以成其悔何利之有焉使反者得辭注反者高

固謂得不當來之辭疏

正義曰使沮者之言信也晏桓子等懼晉之命不得已而

來恨齊侯之使也今晉不以禮待之而又久執之以
成其悔恨言本恨齊今又恨晉齊侯見晉如此將有

背晉之心齊若叛晉何利之
有言此者勸晉侯免之耳

而害來者以懼諸侯將

焉用之晉人緩之逸注緩不拘執使得逃去也傳言

晉不能修禮諸侯所以貳音義

焉於虔反
拘九于反

○秋八月

晉師還○范武子將老注老致仕初受隨故曰隨武

子後更受范復為范武子音義

復扶
又反

召文子曰燮乎

吾聞之喜怒以類者鮮注文子士會之子燮其名音

義

燮素協反
鮮息淺反

易者實多注易遷怒也詩曰君子如怒

亂庶遄沮君子如祉亂庶遄已注詩小雅也遄速也

沮止也祉福也音義

通市專反
祉音耻

君子之喜怒以已亂

也弗已者必益之邵子其或者欲已亂於齊乎不然

余懼其益之也余將老使邵子逞其志庶有豸乎注

豸解也欲使邵子從政快志以止亂音義

豸本又作
鳩直是反

或音居牛反非也解

疏

注豸解也正
義曰方言文

爾從二三子唯

音蟹此訓見方言

敬注二三子晉諸大夫乃請老邵獻子為政○冬公

弟叔肸卒公母弟也凡太子之母弟公在曰公子不

在曰弟注以兄為尊凡稱弟皆母弟也注此策書之

通例也庶弟不得稱公弟而母弟或稱公子若嘉好之事則仍舊史之文惟相殺害然後擣例以示義所以篤親親之恩崇友于之好釋例論之備矣音義

呼好

報疏

正義曰此例再言凡者前凡明稱母弟之文適反子及妾子之等後凡明策書稱弟者皆母弟之

義公之母弟見經者鄭段魯公子友衛叔武實母弟而不稱弟陳公子招昭元年稱公子八年稱弟釋例曰弟之寵異於衆弟蓋緣自然之情以養母氏之志公在雖俱稱公子其兄為君則特稱弟殊而異之親而睦之既以隆友于之恩亦以獎為人弟之敬成相親之益也通庶子為君故不言夫人之子而曰母弟母弟之見於經者二十而傳之所發六條而已凡稱弟皆母弟此策書之通例也庶弟不得稱弟而母弟

得稱公子故傳之所發隨而釋之諸稱弟者不言皆必稱弟也秦伯之弟鍼適晉女叔齊曰秦公子必歸此公子亦國之常言得兩通之證也仲尼因母弟之例據例以興義鄭伯懷害弟之心天王縱羣臣以殺其弟夫子探書其志故顯稱二兄以首惡佞夫稱弟不聞反謀也鄭段去弟身為謀首也然則兄而害弟稱弟以章兄罪弟又害兄則去弟以罪弟身也推此以觀其餘秦伯之弟鍼陳侯之弟黃衛侯之弟鱣出奔皆是兄害其弟也秦伯有千乘之國而不能容其母弟傳曰罪秦伯歸罪秦伯見鍼罪輕也陳侯不能制禦臣下使逐其弟傳曰非罪非黃之罪則罪在陳侯此互舉之文也至於陳招殺兄之子宋辰率羣卿以背宗國披大邑以成叛逆然不推刃於其兄故以首惡稱弟稱名從兩下相殺也統論其義兄弟二人交相殺害各有曲直存弟則示兄曲也鄭伯既云失教若依例存弟則嫌善段故特去弟兩見其義也若

夫朝聘盟會嘉好之事此乃兄弟之篤睦非義例之所與故仍舊史之策或稱弟或稱公子踐土之盟叔武不稱弟此其義也莒棼非卿非卿則不應書今嘉獲故特書特書猶不稱弟明諸書弟者皆卿也先儒說母弟善惡寢貶既多相錯涉又云稱弟皆謂公子不為大夫者得以君為尊案傳莒棼非卿乃法所不書書而不言弟非得以君為尊也凡聘享嘉好之事於是使卿故夷仲年之聘皆以卿稱弟而行此例所謂凡稱弟皆母弟左傳明文而自違之穎氏又曰臣無竟外之交故去弟以貶季友子招樂憂故去弟以懲過鄭段去弟惟以名通故謂之貶今此二人皆稱公子公子者名號之美稱又非所貶也劉炫云再言凡者前凡據適妻子為文後凡嫌妾子為君母弟不得稱弟故更言凡也

經十有八年春晉侯衛世子臧伐齊音義

臧子郎反

公伐杞注無傳

夏四月

秋七月邾人戕鄆子于鄆注傳例曰自外曰戕邾大夫

就鄆殺鄆子音義

戕在良反徐又在精反鄆才陵反

疏

正義曰杜以會盟之例卿則書

名氏大夫則稱人此稱邾人故云邾大夫耳賈逵亦云邾使大夫往殘賊之

甲戌楚子旅卒注未同盟而赴以名吳楚之葬僭而不

典故絕而不書同之夷蠻以懲求名之偽音義

僭子念反懲直

升反止也又作徵如字明也

疏

正義曰諸侯之葬魯不會則不書知吳楚之葬為僭不書者襄二十九年

傳稱葬楚康王公親送葬經亦不書故知其不為魯不會也禮坊記曰天無二日土無二王示民有君臣之別春秋不稱楚越之王喪恐民之惑也鄭玄云楚越之君僭號稱王不稱其喪謂不書葬也公羊傳曰吳楚之君不書葬辟其號也辟其號者五等諸侯死則稱爵書卒及葬則從彼臣子之辭皆稱為公若書楚葬亦宜從彼所稱當云葬楚王以此僭而不典不得稱王故遂絕之而不書其葬同之蠻夷言其不足紀錄以懲創自求名號之偽同之蠻夷者蠻夷卒亦不書言其不書似之也

公孫歸父如晉

冬十月壬戌公薨于路寢

歸父還自晉至笙遂奔齊注大夫還不書春秋之常也

今書歸父還奔善其能以禮退不書族者非常所及今

特書畧之笙魯竟外故不言出音義

笙音生徐又勅貞反一本又作檉亦

作打案徐後音是依三傳文竟音境

傳十八年春晉侯衛太子臧伐齊至于陽穀齊侯會

晉侯盟于繒以公子疆為質于晉晉師還蔡朝南郭

偃逃歸注晉既與齊盟守者解緩故得逃音義

繒才陵反

質音致解佳買反

○夏公使如楚乞師欲以伐齊注公不事

齊齊與晉盟故懼而乞師于楚不書微者行○秋邾

人戕鄆子于鄆凡自虐其君曰弑自外曰戕注弑戕

皆殺也所以別內外之名弑者積微而起所以相測

量非一朝一夕之漸戕者卒暴之名音義

弑音試注同弑字從

式殺字從攴他皆放此別彼列反一朝如字卒寸忽反

疏

正義曰弑者試也言臣下伺候間隙試犯

其君戕者殘也言外人卒暴而來殘賊殺害也弑戕皆是殺也所以別內外之名耳釋例曰列國之君而受害於臣子其所由者積微而起所以相測量非一朝一夕之漸故改殺為弑戕者卒暴之名有國之君當重門設險而輕近暴客變起倉卒亦因事而見戒也臣弑其君子弑其父世之惡逆君子難言故春秋謂自內虐其君者通以弑為文也春秋弑君多矣其戕唯此一事自弑其君足明無道臣罪之例戕者外

人所殺為無防被害皆是君自招之縱使君或無道其惡不加外國不得從弑君之例也若戰死則書滅此謂在國見殺耳

○楚莊王卒楚師不出既而用晉師注成

二年戰于鞏是楚于是乎有蜀之役注在成二年冬

蜀魯地泰山博縣西北有蜀亭○公孫歸父以襄仲

之立公也有寵注歸父襄仲子欲去三桓以張公室

注時三桓彊公室弱故欲去之以張大公室音義

起去

呂反下注將去並同張如字一音陟亮反

與公謀而聘于晉欲以晉人去

之冬公薨季文子言于朝曰使我殺適立庶以失大

援者仲也夫注適謂子惡齊外甥襄仲殺之而立宣

公南通於楚既不能固又不能堅事齊晉故云失大

援也音義

適丁歷反注同援于眷反夫音扶

臧宣叔怒曰當其時不

能治也後之人何罪子欲去之許請去之注宣叔文

仲子武仲父許其名也時為司寇主行刑言子自以

歸父害已欲去者許請為子去之音義

請為子為反

遂逐

東門氏注襄仲居東門故曰東門氏子家還及笙注

子家歸父字壇帷復命于介注除地為壇而張帷介

副也將去使介反命於君音義

壇音善介音界

疏

正義曰聘禮復命之

禮云公南鄉使者執圭反命曰以君命聘于某君某君受幣于某官某君再拜以享某君某君再拜若聘君薨于後歸執圭復命于殯升自西階不升堂子即位不哭辯復命如聘子臣皆哭與介入北鄉哭出祖括髮入門右即位踊是君之存亡皆有復命之禮若身在外奔不得親自復命故立介於位介當南面歸父於介前北面執圭復命既復命之後北面哭乃退括髮訖前即位北面哭三踊而出以復命之語語介使知令介以此言告於殯也

既復命袒括髮注以麻約髮音義

袒音

但括古活反

即位哭三踊而出注依在國喪禮設哭位公

薨故遂奔齊書曰歸父還自晉善之也

春秋左傳注疏卷二十四

春秋左氏傳注疏卷二十四考證

傳楚子使申舟聘于齊曰無假道于宋○趙汭曰楚子
忿晉伐鄭欲伐宋而無名故不假道以起怨其聘于
晉非為好也以怠晉之救宋而已

傳今楚在宋君其圖之公說下疏一段○監本訛刻于
前孟獻子言于公曰段下今改正

初稅畝注公田之法十取其一○萬斯大學春秋隨筆
曰孟子言助法曰其中為公田八家皆私百畝非謂

周之徹法如此也漢書食貨志直本此以言周制後
儒因之若是則周人乃百畝而助矣何名為徹哉惟
趙岐注孟子曰周人耕百畝者徹取十畝以為賦斯
言得之矣按司馬法云畝百為夫夫三為屋屋三為
井小司徒亦云九夫為井是周人井九百畝分之九
夫每夫百畝以十畝為公田君取其入而不收餘畝
之稅今宣公于公田之外更稅餘畝之十一故曰稅
畝也書者譏重困農民且著十二之始也

傳諺曰高下在心○

臣照

按杜注謂度時制宜則與下

川澤納汙山藪藏疾瑾瑜匿瑕國君含垢等不一例
蓋言物本無高下意為高則高意為下則下耳

傳我無爾詐爾無我虞○趙汭補注曰凡書平則不書

盟以平為重

臣召南

按左氏載曹劌無劫盟之事而

公羊言手劒而從左氏載華元類刺客之為而公羊
言乘堙出見其不同如此

傳故文反正為乏○

臣召南

按許慎說文亦祇漢時篆

體不與古文符合故亥字二首六身漫無似處惟此傳反正為乏及止戈為武二文相沿未變也

傳及雒注雒晉地○

臣召南

按杜注於地理考校極精

此雒非河南伊雒之雒亦非河西涇雒之雒故直注曰晉地

傳穀出不過藉○

臣浩

按穀梁傳曰古者什一藉而不

稅初稅畝非正也知藉之義

傳冬蟧生饑幸之也○趙汴補注曰蟧未成螽故不為

災杜注未失說者議之過矣本為一歲再生記異文
偶與下饑相連傳通饑釋之以為幸之也注又以為
喜而書之陋益甚矣

成周宣榭火注宣榭講武屋別在洛陽者○

臣台南

按

公羊謂是宣王之廟而左氏不言宣王若以詩證之
則宣王嘗于東都講武車攻吉日是也意者講軍實
于是榭故謂之宣榭歟

傳晉侯請于王○趙汭補注曰傳見列國之卿猶有請

命者

傳齊頃公帷婦人使觀之○

臣照

按穀梁謂婦人乃蕭

同叔子景公之母觀于卻克對齊使必以蕭同叔子
為質乃退師似笑于房之婦即蕭同叔子但蕭同叔
子景公之母卻克欲質其母以辱之顧亦不必蕭同
叔子之果笑也必當時有此說穀梁信而著之左氏
疑而闕之

邾人戕鄆子于鄆○

臣浩

按經書戕以著邾人之虐書

戕于鄆以著鄆人不救其君之罪

春秋左氏傳注疏卷二十四考證

欽定四庫全書薈要卷一千一百四十一

經部

春秋左傳注疏卷二十五

起成公元年盡二年

晉杜氏注 唐陸德明音義 孔穎達疏

成公音義

陸曰成公名黑肱宣公疏正義曰魯世家

宣公之子穆姜所生以定王十七年即位諡法安民立政曰成釋例曰計公衡之年成公又非穆姜所生不知其母何氏也案宣元年夫人婦姜至自齊即穆姜也至此始十八年耳二年傳稱公衡爲質於楚公衡成公子也既堪爲質則其年已長成公若是穆姜之子未得有成長之男

經元年春王正月公卽位注無傳

二月辛酉葬我君宣公注無傳

無冰注無傳周二月今之十二月而無冰書冬溫疏

正義

日襄二十八年春無冰彼春無月則是竟春無冰亦應竟春無冰而書在二月下者以盛寒之月書之也穀梁傳曰終時無冰則志此未終時而言無冰何也終無冰矣加之寒之辭也其意言此月寒最甚此月無冰則終無冰矣杜言今之十二月者見此意也冬而無冰是時之失故書之記冬溫也

三月作丘甲注周禮九夫爲井四井爲邑四邑爲丘丘十六井出戎馬一匹牛三頭四丘爲甸甸六十四井出長轂一乘戎馬四匹牛十二頭甲士三人步卒七十二

人此甸所賦今魯使丘出之譏重斂故書音義

甸徒練反一音

繩證反乘繩證反卒尊忽反斂力驗反

疏

正義曰周禮九夫爲井四井爲邑四邑爲丘四丘爲甸小司徒

職文也司馬法六尺爲步步百爲畝畝百爲夫夫三爲

屋屋三爲井四井爲邑四邑爲丘丘有戎馬一匹牛三

頭是曰匹馬丘牛四丘爲甸甸六十四井出長轂一乘

馬四匹牛十二頭甲士三人步卒七十二人戈楯具謂

之乘馬然則杜之此註多是司馬法文而獨以周禮冠

之者以司馬法祖述周禮其所陳者即是周法言此是

周之禮法耳不言周禮有此文也鄭注論語云司馬法

成方十里出革車一乘與此不同者鄭注小司徒云方

十里爲成緣邊一里治溝洫實出稅者方八里六十四

井案鄭注小司徒又引司馬法云成出革車一乘甲士

十人徒二十人十成爲終千井革車十乘甲士百人徒

二百人十終爲同萬井革車百乘甲士千人徒二千人

與此車一乘甲士三人步卒七十二人不同者小司徒辨畿內都鄙之地域鄭所引士十人徒二十人者謂公卿大夫畿內采地之制此之所謂諸侯邦國出軍之法故不同也古者用兵天子先用六鄉六鄉不足取六遂六遂不足取公卿采邑及諸侯邦國若諸侯出兵先盡三鄉三遂鄉遂不足然後總徵竟內之兵案此一車甲士步卒總七十五人周禮大司馬五人爲伍五伍爲兩四兩爲卒五卒爲旅五旅爲師五師爲軍大致不同者大司馬所云謂鄉遂出軍及臨時對敵布陳用兵之法此甲士三人步卒七十二人謂徵課邦國出兵之時所徵之兵既至臨陳還同鄉遂之法必知臨敵用鄉遂法者以桓五年戰於繻葛先偏後伍又宣十二年廣有一卒卒偏之兩及尚書牧誓云千夫長百夫長是臨時對敵皆用卒兩師旅也長轂馬牛甲兵戈楯皆一甸之民同共此物若鄉遂所用車馬甲兵之屬皆國家所共知者以一鄉出一軍則是家出一人其物不可私備故也

此言四丘爲甸竝據上地言之若以上中下地相通則二甸共出長穀一乘耳甸即乘也六十四井出車一乘是故以甸爲名此一乘甲兵甸之所賦今魯使丘出甸賦乃四倍於常譏其重斂故書之也穀梁傳曰作爲也丘爲甲也丘甲國之事也丘作甲非正也古者立國家百官具農工皆有職以事上古者有四民有士民有商民有農民有工民丘作甲非正也其意以爲四邑爲丘使一丘農民皆作甲以農爲工失其本業故譏之今左氏經傳竝言作丘甲耳重斂之事傳無明文而知必異穀梁以爲丘作甸甲者以傳云爲齊難故作丘甲以慮有齊難而多作甲兵知使丘爲甸甲而倍作之也士卒馬牛悉倍於常而獨言甲者甲是新作之物其餘斂充之耳非作之也譏其新作故舉甲言之初稅畝言初此不言初者此備齊難暫爲之耳非是終用故不言初然則築城備難非時不譏此亦備難而譏之者魯是大國甲兵先多僖公之世頌云公車千乘昭公之蒐傳稱革

車千乘此時亦應然也其甲足以拒敵而又加之重斂故譏之

夏臧孫許及晉侯盟於赤棘注晉地

秋王師敗績於茅戎注茅戎戎別種也不言戰王者至

尊天下莫之得校故以自敗爲文不書敗地而書茅戎

明爲茅戎所敗書秋從告音義

茅亡交反史記及二傳皆作貿種章勇反

冬十月

傳元年春晉侯使瑕嘉平戎于王注平文十七年邾

垂之役唐嘉處瑕故謂之瑕嘉音義

邾音審唐之廉反

單襄

公如晉拜成注單襄公王卿士謝晉爲平戎音義

音單

善爲于偽反下文同

劉康公徼戎將遂伐之注康公王季子也

戎平還欲要其無備音義

徼古堯反要一遙反

疏正義曰宣

王季子來聘傳言劉康公知即王季子也傳言平戎

于王戎必遣使詣周受平但康公要戎者非要戎平

還之使單使來平不足伐也欲伐其國耳以未平之

日設備禦周今既平矣戎必無備要其無備將遂往

伐之故下云遂伐茅

叔服曰背盟而欺大國此必敗

戎起兵伐其國也

注叔服周内史音義

背音佩下音同

背盟不祥欺大國不義

神人弗助將何以勝不聽遂伐茅戎三月癸未敗績

于徐吾氏注徐吾氏茅戎之別也疏

正義曰敗於徐吾之地也茅戎

已是戎內之別徐吾又是茅戎之內聚落之名王師與茅戎戰之處

○爲齊難故作丘

甲注前年魯乞師於楚欲以伐齊楚師不出故懼而

作丘甲音義

難乃旦反下同

○聞齊將出楚師夏盟于赤棘

注與晉盟懼齊楚○秋王人來告敗注解經所以秋

乃書○冬臧宣叔令修賦繕完注治完城郭音義

繕市

戰反完和端反

具守備音義

守手反

曰齊楚結好我新與晉盟

晉楚爭盟齊師必至雖晉人伐齊楚必救之是齊楚

同我也注同共也音義

好呼報反

知難而有備乃可以逞

注逞解也爲二年齊侯伐傳音義

蟹解音

經二年春齊侯伐我北鄙

夏四月丙戌衛孫良夫帥師及齊師戰于新築衛師敗

績注新築衛地皆陳曰戰大崩曰敗績四月無丙戌丙

戌五月一日音義

築音竹陳直觀反

六月癸酉季孫行父臧孫許叔孫僑如公孫嬰齊帥師

會晉郤克衛孫良夫曹公子首及齊侯戰于鞏齊師敗

績注魯乞師於晉而不以與謀之例者從盟主之令上行於下非匹敵和成之類例在宣十年曹大夫常不書而書公子首者首命於國備於禮成爲卿故也韋齊地

音義

僑其驕反注同卻去逆反韋音安與音預敵如字本或作適音敵

疏

正義曰此云盟主之令故

不從與謀釋例云乞師不得從與謀所以不同者以事得兩通故互言之魯於聘與盟會雖二卿竝行止書一使至於行師用兵則竝書諸將此書四卿昭定之世或書三卿或書二卿皆謂重兵故書之其他國唯書元帥詳內略外也書曹公子首者釋例曰公侯伯子男及卿大夫士命數周官具有等差當春秋時漸以變改是故仲尼丘明據時之宜從而然之不復與周官同也命者其君正爵命之於朝其宮室車旗衣服禮儀各如其命

數皆以卿禮書於經衛之於晉不得比次國則邾莒杞鄆之屬固以微矣此等諸國當時附隨大國不得列於會者甚衆及其得列上不能自通於天子下無暇於備禮成制故與於盟會戰伐甚多唯曹公子首得見經其餘或命而禮儀不備或未加命數故皆不書之是言首成爲卿故書

秋七月齊侯使國佐如師己酉及國佐盟于袁婁注穀

梁曰葦去齊五百里袁婁去齊五十里疏

正義曰齊之四竟不應過

遙且葦已是齊地未必竟上之邑豈得去齊有五百里乎穀梁又云壹戰縣地五百里則是甚言之耳釋例土地名葦與袁婁並闕不知其處遠近無以驗之

八月壬午宋公鮑卒注未同盟而赴以名音義

鮑步卯反

庚寅衛侯速卒注宣十七年盟于斷道據傳庚寅九月

七日

取汶陽田注晉使齊還魯故書取不以好得故不言歸

音義

呼報反 汶音問好

疏

正義曰晉使齊還魯魯不用力故直書取哀八年齊人歸謹及闡此不言

齊人歸者不以好得非齊歸我故不言歸

冬楚師鄭師侵衛注子重不書不親伐疏

正義曰僖二十五年楚人

圍陳注云子玉稱人從告此云子重不書不親伐者彼以路遠或當不以實告此傳言侵衛遂侵我道路既近告當以實經傳皆言楚師例是將卑師衆故以爲子重不親伐所以弘通其義也

十有一月公會楚公子嬰齊于蜀注公與大夫會不貶

嬰齊者時有許蔡之君故疏

正義曰傳稱在禮卿不會公侯會公侯則貶之而稱

人翟泉之盟是也此嬰齊會公乃稱公子而不貶者爲

其會有蔡許之君蔡侯許男與公相敵嬰齊不與公敵

故不貶也傳稱孟孫賂楚楚人許平即云十一月公及

楚公子嬰齊蔡侯許男秦右大夫說宋華元陳公孫寧

衛孫良夫鄭公子去疾及齊國之大夫盟于蜀凡會且

盟者必先會而後盟盟時蔡許在列會時必亦在焉以

二君乘楚車謂之失位經雖抑而不書會時其身實在

且二君與楚同行無容不列於會故知二君在會嬰齊

不敵公也或以爲於時兵將嬰齊爲主蔡許爲王左右

隸屬嬰齊則二君卑於嬰齊何由得與公敵斯不然矣

征伐以主兵爲先盟會以尊卑爲序春秋之常也僖二

十七年楚人陳侯蔡侯鄭伯許男圍宋楚既稱人必非

貴者爲其主兵猶序於上文十年公會諸侯晉大夫盟于扈傳曰齊侯宋公衛侯陳侯鄭伯許男曹伯會晉趙盾盟于扈於時晉爲盟主召諸侯使集會而趙盾猶序於下文不先諸侯則知此時行兵楚爲其主會則蔡許在先故二君自敵公明嬰齊不敵公也襄二十六年公會晉人鄭良霄宋人曹人于澶淵傳曰公會晉趙武宋向戌鄭良霄曹人于澶淵趙武不書尊公也於是衛侯會之然則時有衛侯猶貶趙武者於時衛侯雖往晉將執之不得與會而趙武敵公故貶之也彼傳又曰晉人執甯喜北宮遺使女齊以先歸衛侯如晉晉人執之於會已執其卿衛侯如晉晉即執之明其不得與會公無所敵故趙武敵公與此異也

丙申公及楚人秦人宋人陳人衛人鄭人齊人曹人邾人薛人鄆人盟于蜀注齊在鄭下非卿傳曰卿不書匱

盟也然則楚卿於是始與中國準自此以下楚卿不書

皆貶惡也音義

賈其位反

疏

正義曰諸會盟同地而間無他事者例不重序其人此會盟序

者前會之時唯公會楚耳蔡許從楚而行惟應蔡許在列秦宋以下諸國未至會盟人別故別序也諸征伐會盟實卿而貶稱人者傳皆言其名氏實是大夫而本合稱人者則傳皆言大夫此傳鄭公子去疾以上言其名氏則皆是卿也齊國之大夫則實是大夫故齊在鄭下爲非卿故也傳曰卿不書賈盟也謂賈盟之故并貶楚卿楚卿於是盟上始與中國相準釋例曰楚之君臣最多混錯舊說亦隨文強生善惡之狀混瀆無已其不能得辭則皆言惡蠻夷得志然當齊桓之盛而經以屈完敵之若必有褒貶非抑楚也此乃楚之初興未開周之典禮告命之書自生同異猶秦之僻陋不與中國準故春秋抑秦以存例也楚之熊繹始封於楚僻在荆山葦

路藍縷以居俗裔及武王熊通始居江漢之間然未能
自同於列國故經稱荆敗蔡師荆人來聘從其所居之
稱而總其君臣至於魯僖始稱楚人而班次在於蔡下
僖二十一年當楚成王之世能遂其業內列於公侯會
于孟楚之君爵始與中國列然其臣名氏猶多參錯至
魯成二年楚公子嬰齊始乃具列傳曰卿不書匱盟也
兼爲楚臣示例也自此以上春秋未以入例自此以下
褒貶之義可得而論之也杜言兼爲楚臣示例者解傳
言匱盟之義傳言卿不書者非獨言諸侯之
卿不書兼言楚卿亦不書是兼爲楚卿示例

傳二年春齊侯伐我北鄙圍龍注龍魯邑在泰山博

縣西南頃公之嬖人盧蒲就魁門焉注攻龍門也音

義

頃音傾嬖必計
反魁苦回反

龍人囚之齊侯曰勿殺吾與而盟

無入而封注封竟音義

竟音境

弗聽殺而搏諸城上注

搏磔也音義

搏普各反磔陟百反

疏

正義曰周禮掌戮掌斬殺賊謀而搏之鄭玄云搏當

爲搏諸城上之搏字之悞也搏謂去衣磔之方言云搏曝也

齊侯親鼓士陵城三

日取龍遂南侵及巢丘注取龍侵巢丘不書其義未

聞疏

正義曰外取內邑非魯之罪無所可諱而此獨不書故杜云其義未聞賈逵云殺盧蒲就魁不

與齊盟以亡其邑故諱不書耳案楚子滅蕭嬰齊入莒皆殺楚人而經不變文以加罪此何當改文以諱惡也哀八年齊人取讎及闡以淫女見取猶尚書之此殺敵見取何以當諱知諱義不通故不從也 ○

衛侯使孫良夫石稷甯相向禽將侵齊與齊師遇注

齊伐魯還相遇於衛也良夫孫林父之父石稷石碯

四世孫甯相甯俞子音義

相息亮反向舒亮反
碯七畧反俞羊朱反

石子

欲還孫子曰不可以師伐人遇其師而還將謂君何

注言無以答君若知不能則如無出今既遇矣不如

戰也夏有注闕文失新築戰事石成子曰師敗矣子

不少須衆懼盡注成子石稷也衛師已敗而孫良夫

復欲戰故成子欲使須救音義

復扶又反

子喪師徒何以

復命皆不對又曰子國卿也隕子辱矣注隕見禽獲

音義

喪息浪反疏正義曰子者指斥孫子其言竝告

禽皆不對又曰子國卿也乃專與孫子言耳

子以衆退我此乃止注我於

此止禦齊師音義

禦魚呂反

且告車來甚衆注新築人救

孫桓子故竝告令軍中齊師乃止次于鞫居注鞫居

衛地音義

鞫居六反

新築人仲叔于奚救孫桓子桓子是

以免注于奚守新築大夫疏

正義曰大夫守邑以邑冠之呼爲某人孔子父

鄒邑大夫傳稱鄒人紇論語謂孔子爲鄒人之子即此類也

既衛人賞之以邑注

賞于奚辭請曲縣注軒縣也周禮天子樂宮縣四面

諸侯軒縣闕南方音義

縣音玄注同

疏

正義曰周禮小胥正樂縣之位王宮

縣諸侯軒縣大夫判縣士特縣鄭衆云宮縣四面縣

軒縣去其一而判縣又去一而特縣又去一而四面

象宮室四面有牆故謂之宮縣軒縣三面其形曲故

春秋傳曰請曲縣繁纓以朝諸侯之禮也鄭玄云樂

縣謂鐘磬之屬縣於荀虞者軒縣去南面辟王也判

縣左右之合又空北面特縣縣於東方或於階間而

已是先儒皆以闕南方故曲也家語說此事云請曲

縣之樂繁纓以朝王肅云軒縣闕一面故謂之曲縣

繁纓以朝許之注繁纓馬飾皆諸侯之服音義

繁步干反

注疏

正義曰周禮巾車掌王之五路玉路繁纓十有

同疏再就以祀金路繁纓九就同姓以封象路繁纓

七就異姓以封革路條纓五就以封四衛木路前樊

鵠纓以封蕃國鄭玄云樊讀如鞶帶之鞶謂金馬大

帶也纓金馬鞅也玉路金路象路其繁及纓皆以五
彩屬飾之就成也玉路十二成金路九成象路七成
革路繁纓以條絲飾之而五成木路以淺黑飾韋爲
樊鵠色飾韋爲纓亦五成是言天子諸侯樊纓之飾
樊即鞶也字之異耳巾車又云孤乘夏篆卿乘夏縵
大夫乘墨車士乘棧車其飾皆無繁纓是繁纓爲馬
之飾皆諸侯之服也案儀禮既夕士薦馬纓三就又
諸侯之卿有受革輅木輅之賜皆有繁纓而云諸侯
之服者以與曲縣相對又于奚所請故云諸侯之服
且諸侯之卿特賜乃有大輅士喪禮爲送葬設盛服
耳皆非正

仲尼聞之曰惜也不如多與之邑唯器與

法所有
名不可以假人注器車服名爵號君之所司也名以

出信注名位不愆爲民所信音義

愆起
虔反

信以守器注

動不失信則車服可保器以藏禮注車服所以表尊卑禮以行義注尊卑有禮各得其宜義以生利注得其宜則利生利以平民政之大節也若以假人與人

政也政亡則國家從之弗可止也已疏

正義曰仲尼在後聞之曰

此曲縣繁纓可惜也不如多與之邑惟車服之器與爵號之名不可以借人也此名號車服是君之所主也名位不愆則爲下民所信此名所以出信也動不失信然後車服可保此信所以守車服之器也禮明尊卑之別車服以表尊卑車服之器其中所以藏禮言禮藏於車服之中也義者宜也尊卑各有其禮上下乃得其宜此禮所以行其物宜也物皆得宜然則是利生焉此義所以生利益也利益所以成民此乃

政教之大節也。若以名器借人，則是與人政也。政教既亡，則國家從之而亡，不復可救止也。已言利以平民者，平成也。每事有利，所以成就下民，使國益民皆是利也。此以曲縣繁纓與人，假人器耳。名器俱是可重，故并言也。○孫桓子還於新築，不入注，不入國，遂如晉。

乞師臧宣叔亦如晉。乞師皆主，卻獻子注宣十七年。

卻克至齊爲婦人所笑，遂怒。故魯衛因之。孫桓子臧。

宣叔皆不以國命，各自詣卻克，故不書。晉侯許之七。

百乘注五萬二千五百人音義。

乘繩證反下同

卻子曰：「此城。」

濮之賦也。注城濮在僖二十八年音義。

濮音卜

有先君。

之明與先大夫之肅故捷克於先大夫無能爲役注
無能爲之役使請八百乘許之注六萬人卻克將中

軍士變佐上軍注范文子代荀庚音義

將子疏正義
匠反日宣

十二年邲之戰傳稱荀林父將中軍先穀佐之士會
將上軍卻克佐之趙朔將下軍欒書佐之十三年晉
殺先穀當是士會佐中軍卻克將上軍不知誰代卻
克佐上軍疑是荀首爲之十六年士會將中軍則林
父卒矣當是卻克佐中軍疑是荀首將上軍荀庚佐
之十七年士會請老卻克將中軍當是荀首佐中軍
荀庚將上軍所以知者此年傳稱楚屈巫對莊王云
知瑩之父中行伯之季弟也新佐中軍則荀首於莊
王之世已佐中軍明士會老後卻克遷而荀首代也
首於邲戰尚爲大夫不應宣之末年得佐中軍故疑

先穀死後代卻克佐上軍也明年荀庚來聘傳稱中行伯之於晉也其位在三則此時荀庚將上軍矣林父卒來已久不應始用荀庚故疑林父卒後荀庚即佐上軍士會老後荀庚轉將上軍故杜以爲士燮代荀庚也邲戰以來趙朔無代今欒書將下軍則趙朔卒矣故知欒書代趙朔不知此時誰代欒書佐下軍也欒書將下軍注代趙朔韓厥爲司馬以救魯衛臧

宣叔逆晉師且道之季文子帥師會之及衛地韓獻子將斬人卻獻子馳將救之至則既斬之矣卻子使速以徇告其僕曰吾以分謗也注不欲使韓氏獨受

謗音義

道音導徇似俊反

師從齊師于莘注莘齊地音義

莘所

中反 六月壬申師至于靡笄之下注靡笄山名音義靡

如字或又音

摩笄音難 齊侯使請戰曰子以君師辱於敝邑不

腆敝賦詰朝請見注詰朝平旦音義

腆他典反詰起吉反朝如字注

及下朝夕朝食同見賢遍反

對曰晉與魯衛兄弟也來告曰大國

朝夕釋憾於敝邑之地注大國謂齊敝邑魯衛自稱

音義

憾胡暗反本又作感

寡君不忍使羣臣請於大國無令輿

師淹於君地注輿衆也淹久也音義

令力呈反師如字下無令輿師

同一音 所類反 能進不能退君無所辱命注言自欲戰不復

須君命音義復扶又反齊侯曰大夫之許寡人之願也若

其不許亦將見也齊高固入晉師桀石以投人注桀

擔也音義擔丁甘反禽之而乘其車注既獲其人因釋已

車而載所獲者車繫桑本焉以徇齊壘注將至齊壘

以桑樹繫車而走欲自異音義壘力軌反曰欲勇者賈余

餘勇注賈賣也言已勇有餘欲賣之音義賈音古注同賣摩懈

反癸酉師陳于鞏郚夏御齊侯逢丑父爲右晉解張

御卻克鄭丘緩爲右齊侯曰余姑翦滅此而後朝食

注姑且也翦盡也音義

陳直觀反郈音丙又彼命反夏戶雅反解音蟹張如字一

音直亮反

不介馬而馳之注介甲也郤克傷於矢流血及

屢未絕鼓音注中將自執旗鼓故雖傷而擊鼓不息

音義

將子匠反下將在左同

疏

正義曰以郤克爲中軍之將言己之傷而未絕鼓音明是法當

自執旗鼓也周禮大僕軍旅田役贊王鼓鄭玄云王通鼓佐擊其餘而上云齊侯親鼓則天子諸侯自將兵者亦親執

旗鼓以令衆

曰余病矣張侯曰自始合而矢貫余手

及肘余折以御左輪朱殷豈敢言病吾子恐之注張

侯解張也朱血色血色久則殷殷音近烟今人謂赤

黑爲殷色言血多汙車輪御猶不敢息音義

貫古亂反下注

同時竹九反折之設反殷於閑反徐於辰反
注同近附近之近汙汙穢之汙字林一故反緩曰自

始合苟有險余必下推車子豈識之然子病矣注以

其不識已推車音義

推昌誰反又他同反注及下推車同

張侯曰師之

耳目在吾旗鼓進退從之此車一人殿之可以集事

注殿鎮也集成也音義

殿多練反注同

若之何其以病注絕

句敗君之大事也疏

正義曰卻克云余病矣言已不堪擊鼓欲有退軍之意故責之

云如之何其以身病之故欲喪敗君之大事也

擐甲執兵固即死也注擐貫

也卽就也音義

援音患

病未及死吾子勉之左并轡右

援枹而鼓馬逸不能止師從之注晉師從卻克車音

義

并必政反援音爰枹音浮鼓槌也亦作桴

疏

正義曰說文云援引也枹擊鼓杖也援枹而鼓謂引

杖以擊之

齊師敗績逐之三周華不注注華不注山名音

義

華如字又戶化反注之住反

韓厥夢子輿謂已曰且辟左右注

子輿韓厥父故中御而從齊侯注居中代御者自非

元帥御者皆在中將在左音義

帥所類反

疏

正義曰韓厥爲司馬亦是

軍之諸將也以夢之故乃居中爲御明其本不當中先非御者若御不在中又不須云代御以此知自非

元帥其餘軍之諸將皆御者在中將在左

邴夏曰射其御者君子也公曰

謂之君子而射之非禮也注齊侯不知戎禮音義射

食

亦反下井注皆同

疏

正義曰僖二十二年傳曰雖及胡考獲

曰戎昭果毅以聽之謂禮殺敵爲果致果爲毅是戎事以殺敵爲禮齊侯謂射君子爲非禮者乃是齊侯不知射其左越於車下注越隊也音義隊直射其

戎禮也

射其左越於車下注越隊也音義

隊直

射其

右斃于車中綦毋張喪車從韓厥曰請寓乘注綦毋

張晉大夫寓寄也音義

綦毋音其下音無喪息浪反乘繩證反

從左右

皆肘之使立于後注以左右皆死不欲使立其處音

義處昌疏

正義曰說文云肘臂節也謂慮反左右爲凶處故以肘排退之

韓厥俛定其

右注俛俯也右被射仆車中故俯安隱之音義

俛音勉仆

音赴又

疏

正義曰言此者爲下丑父與公易位由厥蒲北反之俯故不覺其易恭母張蓋助厥定右故

並不見之

逢丑父與公易位注居公處將及華泉驂絰於

木而止注驂馬絰也音義

華戶化反絰戶卦反一音卦驂七南反

丑父

寢於輶中注輶士車音義

輶士產反又士板反字林仕諫反云卧車也

疏

正義曰周禮巾車士乘棧車鄭玄云棧車不革鞅而漆之考工記輿人云棧車欲弇鄭玄云爲其無革鞅

不堅易圻壞然則弇者謂上狹下闊也輶與棧字異音義同耳

蛇出於其下以肱擊

之傷而匿之故不能推車而及注爲韓厥所及丑父

欲爲右故匿其傷音義

肱古弘反匿女力反注同

韓厥執繫馬前

注繫馬絆也執之示脩臣僕之職音義

繫張立反絆音半

再

拜稽首奉觴加璧以進注進觴璧亦以示威音義

觴式

羊疏

正義曰襄二十五年鄭公孫舍之帥師入陳傳曰陳侯免擁社子展執繫而見再拜稽首承飲

而進獻事與此同唯無璧耳蓋古者有此禮彼雖敗

績猶是國君故戰勝之將示之以臣禮事之不忍即

加屈辱所以申貴賤之義晉語云靡笄之役卻獻子

伐齊齊侯來獻之以得殞命之禮也服虔引司馬法

其有殞命以行禮如會所用儀也若殞命則左結旗

司馬授飲右持苞壺左承飲以進杜不引之者蓋彼

此不甚相
當故也

曰寡君使羣臣爲魯衛請曰無令輿師陷

入君地注本但爲二國救請不欲乃過入君地謙辭

音義

爲于僞反注
同令力呈反

下臣不幸屬當戎行無所逃隱注

屬適也音義

屬音燭注同
行下郎反

且懼奔辟而忝兩君臣辱

戎士注若奔辟則爲辱晉君并爲齊侯羞故言二君

此蓋韓厥自處臣僕謙敬之飾言音義

辟音避注同
徐扶臂反服

氏扶
赤反
敢告不敏攝官承乏注言欲以已不敏攝承空

乏從君俱還音義

從才用反
又如字

丑父使公下如華泉取

飲鄭周父御佐車宛茂爲右載齊侯以免注佐車副

車音義

宛紆元反
茂扶廢反

韓厥獻丑父卻獻子將戮之呼曰

自今無有代其君任患者有一於此將爲戮乎卻子
曰人不難以死免其君我戮之不祥赦之以勸事君
者乃免之齊侯免求丑父三入三出注重其代已故

三入晉軍求之音義

呼火故反任音
士難乃旦反

疏

正義曰劉炫
以齊侯三入

齊軍又三出齊軍以求丑父每出之時齊之將帥敗
而怖懼以帥而退不待齊侯致使齊侯入于狄卒今
知不然者以傳文三入在前三出在後若用此說齊
侯先在晉軍今入齊軍得以三入在前今齊侯既先

在齊軍欲出求丑父應先出後入不應先入後出且
初時二出容有二入在後之出遂入狄卒有出無入
何得云三入又以傳文師帥兩字分明故杜以爲齊
侯每出齊師以帥厲退者每出之文別自爲義不計
上之三出劉君不達此音妄規杜失非也

每出齊師以帥退入于狄卒注

齊師大敗皆有退心故齊侯輕出其衆以帥厲退者

遂迸入狄卒狄卒者狄人從晉討齊者

音義

卒子忽反注及

下同輕遣政反迸補諍反

狄卒皆抽戈楯冒之以入于衛師衛師

免之注狄衛畏齊之強故不敢害齊侯皆共免護之

音義

楯食準反又音允冒亡報反

遂自徐關入齊侯見保者曰勉

之齊師敗矣注所過城邑皆勉勵其守者音義

守手又反

辟女子注使辟君也齊侯單還故婦人不避之音義

辟音避注皆同一

音扶赤反單音丹

女子曰君免乎曰免矣曰銳司徒

免乎曰免矣注銳司徒主銳兵者音義

銳悅歲反

曰苟君

與吾父免矣可若何注言餘人不可復如何音義

復扶

又反乃奔注走辟君齊侯以爲有禮注先問君後問父

故也既而問之辟司徒之妻也注辟司徒主壘辟者

音義

辟音壁必覓反注同徐甫亦反

予之石窳注石窳邑名濟北盧

縣東有地名石窳音義

窳力救反一音力到反

晉師從齊師入

自丘輿擊馬陘注丘輿馬陘皆齊邑音義

陘音刑

齊侯

使賓媚人賂以紀顓臾磬與地注媚人國佐也顓臾

顓皆滅紀所得音義

媚美異反賂音路顓魚輦反徐音彥又音言字林牛健反顓子

孚反又疏

正義曰經書齊侯使國佐如師故知賓媚人即國佐也杜譜云國佐賓媚人武子三

事互見於經傳不知賓媚人是何等名號也鄭衆注

考工記云顓無底顓方言云顓自關而東謂之顓知

顓是顓也下云子得其國寶知顓亦以王爲之傳文

王在顓磬之間明二者皆是王也莊四年紀侯大去

其國不言齊滅而云滅紀所得者紀侯被逼而去後

齊侯收其民人又取其國寶此則與滅無異故爲此

解

不可則聽客之所爲賓婦人致賂晉人不可曰必

以蕭同叔子爲質注同叔蕭君之母齊侯外祖父子

女也難斥言其母故遠言之音義

質徐音致下同難乃旦反

而使

齊之封內盡東其畝注使壟畝東西行音義

盡津忍反壟力

勇反行戶卽反又如字

對曰蕭同叔子非他寡君之母也若以

匹敵則亦晉君之母也吾子布大命於諸侯而曰必

質其母以爲信其若王命何注言違王命且是以不

孝令也詩曰孝子不匱永錫爾類注詩大雅言孝心

不乏者又能以孝道長賜其志類若以不孝令於諸

侯其無乃非德類也乎注不以孝德賜同類疏

正義曰蕭

同叔子非他人是寡君之母也若以匹敵言之則亦
晉君之母也吾子布大命於諸侯而曰必質其諸侯
之母以爲信其若王命何先王之命諸侯也使之孝
其母親其類今輕慢其母不愛同類即是違王命也
奈此王命何子今輕齊侯之母亦是輕晉侯之母自
輕其母即是不孝且告吾諸侯云以母爲質是此者
以不孝之事令諸侯也詩之意言孝子所以行孝不
爲匱乏之道故以孝道長賜女之族類諸侯皆晉侯
之類晉侯皆以孝德賜同類若以不孝之事號令諸
侯其無乃非是以孝德賜同類乎責其違孝道也所
引詩者大雅

既醉之篇

先王疆理天下物土之宜而布其利注

疆界也理正也物土之宜播殖之物各從土宜音義

疆居良反

故詩曰我疆我理南東其畝注詩小雅或

南或東從其土宜疏

正義曰此詩小雅信南山之篇

今吾子疆理諸

侯而曰盡東其畝而已惟吾子戎車是利注晉之伐

齊循壟東行易音義

易以鼓反

無顧土宜其無乃非先王

之命也乎反先王則不義何以爲盟主其晉實有闕

注闕失四王之王也注禹湯文武音義

之王于況反

樹德

而濟同欲焉注樹立也濟成也五伯之霸也注夏伯

昆吾商伯大彭豕韋周伯齊桓晉文音義

或曰齊桓晉文宋襄

秦穆

正義曰鄭語云祝融能昭顯天地之光明其

楚莊疏

後八姓昆吾爲夏伯矣大彭豕韋爲商伯論

語云管仲相桓公霸諸侯昭九年傳曰文之伯也豈

能改物是三代有五伯矣伯者長也言爲諸侯之長

也鄭玄云天子衰諸侯興故曰霸霸把也言勤而撫

把持王者之政教故其字或作伯或作霸也

之以役王命注役事也今吾子求合諸侯以逞無疆

之欲注疆竟也音義

竟如字疏正義曰禹湯文武四

又音境疏王之王天下也立德

於民而成其同欲民有所欲上即同之東畝南畝皆

順民意五伯之霸諸侯也唯勤勞其功而撫順之以

奉事王命而已不改王之制度也吾子求合諸侯以

快其無疆畔之欲止求自快已欲不與民同是違王

霸之政也詩曰布政優優百祿是適注詩頌殷湯布政優

和故百祿來聚適聚也音義

適在由反徐子由反

子實不優而

棄百祿諸侯何害焉注言不能爲諸侯害疏

正義曰詩商頌

言成湯布政優優然而寬故百種福祿於是聚歸之
子實不能優寬而自棄福祿於諸侯何害言不能爲
諸侯害也所引詩不然注不見許寡君之命使臣則
者商頌長發之篇

有辭矣曰子以君師辱於敝邑不腆敝賦以犒從者

注戰而曰犒爲孫辭音義

使所吏反犒苦疏正義曰報反從才用反疏士卒之

勞於外師衆枯槁以酒食勞之謂之犒師此以師拒
戰非犒勞之義而亦稱犒者言以此師衆往當待之

如以酒食犒之然
爲避順之辭耳

畏君之震師徒橈敗注震動橈曲

也音義

橈乃
教反

吾子惠徼齊國之福不泯其社稷使繼

舊好唯是先君之敝器土地不敢愛子又不許請收

合餘燼注燼火餘也音義

泯彌忍反好呼報反合
如字一音閣燼似刃反

背

城借一注欲於城下復借一戰音義

背音佩復
扶又反

敝邑

之幸亦云從也況其不幸敢不唯命是聽注言完全

之時尚不敢違晉今若不幸則從命疏

正義曰言於
先完全福幸

之時尚不違晉故言亦云從也是指其實事劉炫以
爲齊人請戰言敝邑脫或有幸戰勝亦云從也虛稱

未然之事乖違文勢上下
苟異杜氏而規其過非也

魯衛諫曰齊疾我矣注諫

卻克也其死亡者皆親暱也子若不許讎我必甚唯

子則又何求子得其國寶注謂顓瞽音義

暱女亦反

我亦

得地注齊師所侵而紆於難注齊服則難緩音義

紆音

紆緩也一音直呂反難乃旦反注同

其榮多矣齊晉亦唯天所授豈必

晉晉人許之對曰羣臣帥賦輿注賦輿猶兵車以爲

魯衛請若苟有以藉於口而復於寡君注藉薦復白

也音義

爲于偽反藉在夜反注同

疏正義曰禮承玉之物名爲繅藉藉是承薦之言故爲薦也

復者報命於君故爲白也言無物則空口以爲報少有所得則於口爲藉故曰藉口服虔云今河南俗語治生求利少有所得皆言可用藉手也君之惠也敢不唯命是聽禽鄭

自師逆公注禽鄭魯大夫歸逆公會晉師秋七月晉

師及齊國佐盟于爰婁使齊人歸我汶陽之田公會

晉師於上鄆注上鄆地闕公會晉師不書史闕音義

鄭覓疏正義曰定八年經書公會晉師于瓦此獨不經反書故云史闕謂舊史先闕故仲尼修經無之

賜三帥先路三命之服注三帥卻克士燮欒書已嘗

受王先路之賜今改而易新并此車所建所服之物

音義

帥所類反疏正義曰周禮典命公之孤四命其

注及下同

卿三命其大夫再命其士一命侯

伯之卿大夫士亦如之此三帥皆卿也本國三命故

魯賜以三命之服司馬司空與師候正亞旅皆大夫

本國一命故皆受一命之服於卿言賜於大夫言受

互相足也周禮大夫再命此司馬司空等皆是再命

春秋之時其事已異於周禮故大夫一命注正義曰

三卿各統一軍故總稱三帥魯君之賜晉臣正可如

其法所得服改新以與之耳不得特命他臣發初賜

以此物且彼若先無此物則無由敢受魯賜故杜以

爲此三帥已嘗受王先路之賜今改而易新并此車

所建之旌旗所著之衣服皆賜之也案釋例先路者

革車若木路或云先或云次盖以就數爲差其受之

於王則稱大杜言革路若木路者或用革或用木也

知受之於王則稱大者鄭子驕叔孫穆子受之於王

皆稱大是也草木是卿大夫車之尊者故云大路金

路是諸侯車之尊者亦稱大則定四年大路大旂是也玉路天子車之尊者亦稱大故顧命云大路在賓階面是也言所建所服之物者周禮巾車革路建大白以即戎司服云凡兵事韋弁服巾車又云木路建大麾以田司服又云凡田冠弁服然則此車所建或是大白大麾所服或是韋弁冠弁劉炫以爲既言先路則是晉君之賜杜云受王先路之賜非其義也今知不然者杜以穆叔子驕嘗受王路故杜據而言之釋例應云受王大路之賜言先路者順傳先路之文故也劉以爲常受晉君賜而規杜氏非也司馬

司空輿師侯正亞旅皆受一命之服注晉司馬司空皆大夫輿師主兵車侯正主斥侯亞旅亦大夫也皆

魯侯賜疏

正義曰司馬司空本是卿官之名但晉之諸卿皆以三軍將佐爲號其司馬司空皆

爲大夫之官仍有爲卿之嫌故云晉司馬司空皆大夫也明他國以爲卿晉以爲大夫也輿師至於亞旅本是大夫官名故又云亦大夫也軍行有此大夫從者司馬主甲兵司空主營壘輿師主兵車候正主斥候亞旅次於卿是衆大夫也無專職掌散共軍事故後言之直言受服嫌非魯賜故云皆魯侯賜 ○

八月宋文公卒始厚葬用蜃炭益車馬始用殉注燒

蛤爲炭以瘞壙多埋車馬用人從葬音義

蜃市惡反蛤也炭吐

旦反殉似浚反蛤苦答反瘞

疏正義曰晉語云雀入于海爲蛤雉入于淮

爲蜃月令孟冬雉入大水爲蜃鄭玄云大水謂淮也大蛤曰蜃則蜃者蛤之類也周禮掌蜃掌斂互物蜃物以共闔壙之蜃鄭玄云互物蚌蛤之屬闔猶塞也將井椁先塞下以蜃禦濕也是用蜃以瘞壙也禮檀

弓記曰塗車芻靈自古有之鄭玄曰芻靈束茅爲人馬謂之靈者神之類也不解塗車當是用泥爲車也傳言益車馬者謂用此塗車茅馬益多於常故云多埋車馬也鄭玄云殺人以衛死者曰殉言殉還其左右也言始用殉則自此以後宋君葬常用殉故謂此爲始也劉炫以爲用蜃炭者用蜃復用炭知不然者杜以傳用蜃炭共文故知燒蛤爲炭又且炭亦灰之類雖灰亦得稱炭劉君以爲用蜃復用炭而規杜氏非重器備注重猶多也音義重直恭反注同疏正義曰重謂重疊故猶多

多爲皿器也言器備者士喪禮下篇陳明器云用器弓矢耒耜敦杆槃匝役器甲冑干笮燕器杖笠翬其器有共用之器有備

槨有四阿棺有翰檜注四阿四

注槨也翰旁飾檜上飾皆王禮音義

槨音郭翰戶旦反一音韓檜古

外反徐音會

疏

正義曰周禮匠人云殷人四阿重屋鄭玄云阿棟也四角設棟也是爲四注櫨也士

喪禮下篇陳明器云抗木橫三縮二謂於槨之上設此木從二橫三以禦土則士之槨上平也今此槨上四注而下則其上方而尖也禮天子槨題湊諸侯不題湊不題湊則無四阿釋詁云楨榦榦也舍人曰楨正也築牆所立兩木也榦所以當牆兩邊障土者也榦在牆之旁則知此榦亦在旁也詩云會弁如星鄭玄云會謂弁之縫中言其際會之處也會在弁之上知此榦亦在上棺有此物明是其飾故以爲旁飾上飾也言槨有棺有則是本不當有言其厚葬譏其奢侈宋公所僭必僭天子明此四阿榦皆之王之禮也蜃炭言用亦本不當用其蜃炭蓋亦王之禮也車馬器備法得有之言益言重但譏其多耳殉則本不得然非

譏其僭

君子謂華元樂舉於是乎不臣臣治煩去惑

者也是以伏死而爭今二子者君生則縱其惑注謂

文十八年殺母弟須音義

去起呂反下去之同爭爭鬪之爭

死又益

其侈是棄君於惡也何臣之爲注若言何用爲臣音

義

侈昌氏反又式氏反

疏

正義曰言何用爲臣是不成臣也言雖有若無劉君還以爲不成臣與杜

義無別而規杜氏非也

○九月衛穆公卒晉三子自役弔焉哭

於大門之外注師還過衛故因弔之未復命故不敢

成禮音義

過古禾反又古臥反

衛人逆之注逆於門外設喪位

婦人哭於門內注喪位婦人哭於堂賓在門外故移

在門內送亦如之遂常以葬注至葬行此禮疏

正義曰哭

於大門之外謂大門外之西東面衛人逆之謂大門外之東西面各從賓主之位婦人哭於門內謂門內之西東面以堂上在西東面故也至於三子之去衛人送之其位亦如之自此有鄰國弔者常行此禮而至於葬沈氏云雜記弔者即位于門西東面主孤西面相者受命曰孤某使請事客曰寡君使某如何不淑相者入告出曰孤某須矣弔者入主人升堂西面弔者升自西階東面致命此臣奉君命行弔之禮今三子師行經衛竟不敢成禮故於大門之外注正義曰喪大記云君之喪夫人坐于西方內命婦姑姊妹子姓立于西方外命婦率外宗哭于堂上北面又曰婦人迎客送客不下堂是喪位婦人哭於堂○

楚之討陳夏氏也注在宣十二年音義

夏戶雅反下同

莊王

欲納夏姬申公巫臣曰不可君召諸侯以討罪也今

納夏姬貪其色也貪色爲淫淫爲大罰周書曰明德

慎罰注周書康誥文王所以造周也明德務崇之之

謂也慎罰務去之之謂也疏

正義曰周書康誥之篇周公述文王之事以告

康叔云惟乃丕顯考文王克明德慎罰巫臣既引其言乃申其意言文王能爲此行故所以造周國也務崇之謂務欲崇益道德務去之謂務欲去其刑罰若興諸侯以取大罰非慎

之也君其圖之王乃止子反欲取之巫臣曰是不祥

人也是天子蠻注子蠻鄭靈公夏姬之兄殺死無後

音義

殺申志反下文殺靈侯同

殺御叔注御叔夏姬之夫亦早死

音義

御魚疏

正義曰子蠻御叔自以短命死耳似天鍾美於是致使物無兩大故以二事爲

夏姬之罪

殺靈侯注陳靈公也戮夏南注夏姬子徵舒出

孔儀注孔寧儀行父喪陳國注楚滅陳音義

喪息浪反下注

而喪同

何不祥如是人生實難其有不獲死乎注言死

易得無取夏姬以速之音義

易以鼓反

天下多美婦人何

必是子反乃止王以子連尹襄老襄老死於邲不獲

其尸注邲戰在宣十二年其子黑要烝焉注黑要襄

老子音義

要一遙反
丞之承反

巫臣使道焉曰歸吾聘女注道

夏姬使歸鄭音義

道音導注同聘女疏
匹政反下音汝

正義曰禮記
疏內則云聘則

爲妻奔則爲妾道之云女歸
鄭國吾依禮聘女以爲妻也

又使自鄭召之曰尸可

得也注襄老尸必來逆之姬以告王王問諸屈巫注

屈巫臣音義

屈居
勿反

對曰其信知螢之父成公之嬖

也而中行伯之季弟也注知螢父荀首也中行伯荀

林父也邲之戰楚人囚知螢音義

知螢音智
下於耕反

新佐中

軍而善鄭皇戌甚愛此子注愛知螢也其必因鄭而

歸王子與襄老之尸以求之注王子楚公子穀臣也

邲之戰荀首囚之鄭人懼於邲之役而欲求媚於

晉其必許之王遣夏姬歸將行謂送者曰不得尸吾

不反矣巫臣聘諸鄭鄭伯許之注聘夏姬及共王即

位將爲陽橋之役注楚伐魯至陽橋在此年冬音義

共音恭使屈巫聘于齊且告師期巫臣盡室以行注室

家盡去申叔跪從其父將適郢遇之注叔跪申叔時

之子音義

跪其委反又居委反從才用反郢以井反又以政反

曰異哉夫子有

三軍之懼而又有桑中之喜宜將竊妻以逃者也注

桑中衛風淫奔之詩及鄭使介反幣而以夏姬行注

介副也幣聘物音義介音界將奔齊齊師新敗曰吾不

處不勝之國遂奔晉而因卻至注至卻克族子疏正義

曰世本卻豹生冀芮芮生缺缺生克又云豹生義義生步揚楊生蒲城鵠居居生至如世本克是豹之曾

孫至是豹之玄孫於以臣於晉晉人使爲邢大夫注

邢晉邑音義邢音刑子反請以重幣錮之注禁錮勿令

仕音義錮音固令疏正義曰說文云錮鑄塞也鐵器

力呈反

疏

穿穴者鑄鐵以塞之使不漏禁

人使不得仕官者其事亦似
之故謂之禁錮今世猶然

王曰止其自爲謀也則

過矣其爲吾先君謀也則忠忠社稷之固也所蓋多

矣注蓋覆也音義

自爲于僞反又如
字爲吾于僞反

且彼若能利國

家雖重幣晉將可乎注言不許若無益於晉晉將棄

之何勞錮焉注爲七年楚滅巫臣族晉南通吳張本

○晉師歸范文子後入武子曰無爲吾望爾也乎注

武子士會文子之父對曰師有功國人喜以逆之先

入必屬耳目焉是代帥受名也故不敢武子曰吾知

免矣注知其不益已禍音義

屬章欲反後同帥所類反下注稱帥軍帥將帥

同吾知一本無知字

卻伯見公曰子之力也夫對曰君之訓也

二三子之力也臣何力之有焉注卻伯卻克音義

見賢

遍反下同夫音扶

范叔見勞之如卻伯對曰庚所命也克之

制也變何力之有焉注荀庚將上軍時不出范文子

上軍佐代行故稱帥以讓音義

勞力報反將子匠反下同

欒伯見

公亦如之對曰變之詔也士用命也書何力之有焉

注詔告也欒書下軍帥故推功上軍傳言晉將帥克

讓所以能勝齊○宣公使求好于楚莊王卒宣公薨

不克作好注在宣十八年音義

好呼報反下同

公即位受盟

于晉注元年盟赤棘會晉伐齊衛人不行使于楚注

不聘楚音義

使音所吏反

而亦受盟于晉從於伐齊故楚

令尹子重爲陽橋之役以救齊將起師子重曰君弱

注傳曰寡人生十年而喪先君共王即位至是二年

蓋年十二三矣羣臣不如先大夫師衆而後可詩曰

濟濟多士文王以寧注詩大雅言文王以衆士安音

義

濟子禮反

夫文王猶用衆况吾儕乎注儕等音義

儕仕皆反

且先君莊王屬之曰無德以及遠方莫如惠恤其民

而善其用之乃大戶注閱民戶口音義

悅閱音

已責注

棄逋責音義

逋補吾反

逮鰥注施及老鰥音義

鰥古頑反施始鼓反

救乏赦罪悉師王卒盡行彭名御戎蔡景公爲左許

靈公爲右注王卒盡行故王戎車亦行雖無楚王令

二君當左右之位音義

卒子忽反注同令力呈反

疏

正義曰諸言御戎皆御君

之戎車此云彭名御戎知王戎車亦行也若君親在軍則君當車中御者在左勇力之士在右故御戎戎

右常連言之此王車雖行王身不在故不立戎右使御者在中令蔡許二君居王車上當左右之位若夾衛王然下注云乘楚王車爲二君弱皆強冠之冬楚左右是二君皆在車之上也

師侵衛遂伐我師于蜀注公賂之而退故不書侵音

義

強其文反
冠古亂反

使臧孫往注臧孫宣叔也辭曰楚遠而

久固將退矣無功而受名臣不敢注不敢虛受退楚

名楚侵及陽橋注陽橋魯地孟孫請往賂之注楚侵

遂深故孟孫請以賂往孟孫獻子也以執斲執鍼織

紵注執斲匠人執鍼女工織紵織繒布者音義

斲竹
角反

鍼之林反紐女金反徐而鳩反

皆百人公衡爲質注公衡成公子音

義質音致

以請盟楚人許平十一月公及楚公子嬰齊

蔡侯許男秦右大夫說宋華元陳公孫寧衛孫良夫

鄭公子去疾及齊國之大夫盟于蜀注齊大夫不書

其名非卿也音義

說音悅去起呂反

疏

正義曰諸大夫盟會經貶之稱人或總言

大夫若實是國卿本合書名者傳即顯其名氏若本是大夫不合書名者傳直言其大夫見其貶與不貶俱當稱人故不復言其名氏此傳言齊國之大夫傳不顯其名爲非卿故也襄十六年吳梁之會經書戌寅大夫盟傳云於是叔孫豹晉荀偃宋向戌衛甯殖鄭公孫薑小邾之大夫盟於時會上鄭之下有曹莒

邾薛杞而小邾之大夫最處其下舉小邾而上包之
此盟鄭人之下有齊曹邾薛鄫俱是大夫齊最在上
舉齊而下總之止爲齊若是卿則卿不書賁盟也於
合言名氏此會非卿故舉齊也

是乎畏晉而竊與楚盟故曰賁盟注賁乏也疏

正義曰私

竊爲盟盟終不固此盟是賁乏之道也傳既言賁盟
以解經又自解名曰賁盟之意於是乎畏晉而竊與
楚盟故曰此是賁乏之盟也諸侯之卿竊與楚盟而
仲尼貶之言其不應背晉故責之也責諸侯之背晉
是成晉爲盟主也哀十二年公會吳于橐皋吳子請
盟公不欲使子貢辭之而私與衛侯宋皇瑗盟彼畏
吳而竊相與盟不貶者不與吳爲盟主言其私盟可
許但魯自畏吳不書其盟其情無可責也釋例曰諸
侯畏晉而竊與楚盟書盟而貶其卿此所以成晉爲
盟主也吳之彊大始於會鄫終於黃池凡三會三伐

三盟唯書會伐而不書盟者吳以盟主自居而行其夷禮禮儀不典則盟神不蠲非所以結信義昭明德故不錄其盟不與其成爲盟故也既不與吳之爲盟主則宋魯衛三國私盟可許故無貶文是也若然僖二十一年公會諸侯盟于薄二十七年公會諸侯盟于宋彼二者皆顯與楚盟並無貶責此竊與楚盟而貶之者當僖公之時齊桓既卒晉文未興中國無伯惟彊是與雖速共楚盟無所可責此時晉爲盟主堪率諸侯私竊爲盟心實畏晉故貶之耳然諸侯之卿畏晉容可貶之楚之彊盛恒與晉敵非是畏晉卿亦貶者楚既彊盛應顯然作盟今私竊受盟不敢宣露亦是畏晉之義且成晉爲伯事須貶楚

蔡侯

許男不書乘楚車也謂之失位注乘楚王車爲左右

則失位也卿不書則稱人諸侯不書皆不見經君臣

之別音義

見賢遍反別彼列反

疏

正義曰小國之從大國其征伐也皆自乘其車自率其軍

至戰陳之時與同出力耳此二君棄已之車乘楚之乘乃爲楚王左右則是失位既失其位非復國君故侵與盟會竝皆不序經書楚師鄭師侵衛於時蔡許在矣公會楚公子嬰齊于蜀蔡許亦在也及盟又蔡許之君在焉侵也會也盟也三事竝失其位經悉不書故傳於盟下釋之明上侵衛會蜀皆失位也舊說諸侯之貶亦書爲人杜意謂諸侯之貶不至於人故因此而又明之卿不書則稱人諸侯不書則全不見經此是君臣之別明貶諸侯無稱人之法也

君子曰位其不可不慎也乎

蔡許之君一失其位不得列於諸侯况其下乎詩曰

不解于位民之攸墜注詩大雅言在上者勤正其位

則國安而民息也攸所也堅息也音義

解佳賣反
堅許器反

疏

正義曰此大

雅假樂之篇

其是之謂美○楚師及宋公衡逃歸臧

宣叔曰衡父不忍數年之不宴注宴樂也音義

數所
主反

樂音洛以棄魯國國將若之何誰居後之人必有任是

夫國棄矣注居辭也言後人必有當此患音義

居音
基任

音壬夫
音扶

是行也晉辟楚畏其衆也君子曰衆之不可

已也大夫爲政猶以衆克況明君而善用其衆乎大

誓所謂商兆民離周十人同者衆也注大誓周書萬

億曰兆民離則弱合則成衆言殷以散亡周以衆興

疏

正義曰秦誓云受有億兆夷人離心離德予有亂臣十人同心同德此言大誓所謂者引其意非本

文也

○晉侯使鞏朔獻齊捷于周王弗見使單襄公辭

焉曰蠻夷戎狄不式王命注式用也音義

捷在妾反

洵

毀常王命伐之則有獻捷王親受而勞之所以懲不

敬勸有功也兄弟甥舅侵敗王畧注兄弟同姓國甥

舅異姓國略經略法度音義

洵面善反勞力報反敗必邁反

王命伐

之告事而已不獻其功所以敬親暱注告伐事而不

獻囚俘音義

乙 暱 反 女

禁淫慝也注淫慝謂遽掠百姓取

囚俘也音義

慝 他得反 遽 本又作 暴 薄 報 反 掠 音 亮

今叔父克遂有功

于齊注克能也而不使命卿鎮撫王室所使來撫余

一人而鞏伯實來未有職司於王室注鞏朔上軍大

夫非命卿名位不達於王室又奸先王之禮注謂獻

齊捷音義

奸 音 干

余雖欲於鞏伯注欲受其獻其敢廢

舊典以忝叔父夫齊甥舅之國也而大師之後也注

齊世與周昏故曰甥舅音義

大 音 泰

寧不亦淫從其欲

以怒叔父抑豈不可諫誨士莊伯不能對注莊伯鞏

朔音義

從才用反本亦作縱

王使委於三吏注委屬也三吏三

公也音義

三公者天子之吏也

疏

正義曰曲禮云五官之長曰伯其擯於天子也曰天子之

吏鄭玄云謂三公也是三公稱吏故知三吏三公也

禮之如侯伯克敵使大夫

告慶之禮降於卿禮一等王以鞏伯宴而私賄之使

相告之曰非禮也勿籍注相相禮者籍書也王畏晉

故私宴賄以慰鞏朔音義

相息亮反注同

疏

正義曰如侯伯克敵使大夫告

慶之禮則不得依獻捷之禮其獻捷之禮王待之必重於告慶之禮鞏朔晉之上軍大夫也縱使得如獻

捷之禮亦當降卿禮一等傳言降於卿禮一等以見王待羣卿不失常也

春秋左傳注疏卷二十五

春秋左氏傳注疏卷二十五考證

作丘甲注此甸所賦今魯使丘出之○孫覺曰如杜說以爲甸出甲士三人而使丘出之也夫一甸之地兼有四丘而使丘出甸賦丘豈能供之哉亦不能頃取于民如此之暴也蓋古者一甸之地兼有四丘而出長轂一乘甲士三人步卒七十二人成公始作丘甲則是丘出一甲而甸出甲士四人也往者三人而今增其一丘出一人馬故曰作丘甲也又按萬斯大學

春秋隨筆曰作丘甲增甲士也而步卒如故魯畏齊
強車增一甲皆爲四乘因使一丘出一甲其步卒之
增則在襄十一年作三軍時也

傳士燮佐上軍○

臣召南

按以傳及疏證之則士燮佐

上軍也監本別本作將上軍者非今改正

傳丑父使公下如華泉取飲○林堯叟曰時丑父代爲

齊侯故詐使公下車往華泉取水而飲欲使公因而

走逸

臣召南

按華泉華不注山泉水也

傳五伯之霸也注夏伯昆吾商伯大彭豷韋周伯齊桓
晉文○趙汭補注曰傳以五伯對四王則通三代霸
者言之是也宋襄秦穆不成霸楚莊吞噬中國豈有
所謂勤而撫之以役王命之事顧炎武日知錄曰詩
正義引服虔說與此同應劭風俗通亦主此說

傳使齊人歸我汶陽之田○林堯叟曰汶陽之田本魯

地爲齊所侵故晉使齊歸之於我

臣召南

按汶陽之

田魯僖所以賞季友是季氏私田也故是役行父力

主之

傳公衡爲質注公衡成公子○

臣召南

按公衡恐是宣

公子成公弟以成公之年計之不應以稚子爲質也

傳而不使命卿鎮撫王室○

臣浩

按晉之命卿當是三

軍將佐据此則當時列國之卿雖擅自廢置尚猶稟

于王室假其爵命如士會之將中軍爲太傅且必請

王命以黻冕也杜前注三帥已嘗受王先路之賜知

非臆度

傳使相告之曰非禮也勿籍○林堯叟曰言此宴賄皆
非禮之正也勿書此以爲禮典

臣召南

按此說恐未

全言獻齊捷及使大夫皆非禮也勿書此于冊以見
待晉獨優

春秋左氏傳注疏卷二十五考證

謹按卷二十四第三頁後三行疏不得云刊本得訛復今改

第八頁後二行疏若中國之始封君也刊本監本毛本若訛者據宋本改

第九頁前三行疏非君殺臣刊本臣訛自今改第十頁後一行疏通其率刊本其訛共今改

第十四頁前六行疏倍人曰茂諸本茂訛戎據宋

本改

第十六頁後五行疏壬午七月二十九日刊本七

訛十今據宋本改

第二十一頁前一行注毛召難刊本召訛作伯今
改

第二十六頁後八行疏則嫌善段諸本善俱訛書
今據宋本改

第二十八頁前一行疏土無二王諸本土並訛民
據禮記原文及宋本

第二十八頁後二行注笙魯竟外諸本外訛也據
宋本改

卷二十五第二頁前七行疏六十四并刊本六訛
八今改

第七頁前五行疏凡會且盟者諸本且盟訛盟地
據宋本改

第十六頁後七行疏棧車不革鞮而漆之刊本革
訛韋據宋本改

後八行不堅易圻壞刊本圻訛拆據宋本改

第十八頁後八行傳遂自徐闕入諸本徐訛齊據
宋本改

第二十九頁前二行注岵之戰荀首囚之諸本作
以荀首囚也據宋本改

第三十一頁前二行注在宣十八年刊本宣訛位
今改

第三十三頁後六行疏亦是畏晉之義諸本亦訛

非據宗本改

欽定四庫全書



欽定四庫全書



覆校官檢討 臣 季學錦

校對官編修 臣 張秉愚

謄錄監生 臣 閻學澄

謄錄貢生 臣 于飛熊